



Universitätsbibliothek Paderborn

**Berichtbüchlin. Wie das ein yegklich Christen mensch
gewisß sey der gnaden/ huld vn[d] gütten willen Gottes
gegen ym**

Lonicer, Johannes

[Strassburg], [1523]

VD16 L 2434

urn:nbn:de:hbz:466:1-32207



UNIVERSITÄTS-
BIBLIOTHEK
PADERBORN

Th 5975

ERZBISCHÖFL.
AKADEMISCHE
BIBLIOTHEK
LEO STR. 21
PADERBORN



UNIVERSITÄTS-
BIBLIOTHEK
PADERBORN

M Luthere. Jungfrauen mögen Kloster verlassen 1523.

Zwingli. Abrechnung mit den Zünften 1523.

Hans Sachs über das märtyr. Handel der
Lutheraner. 1524

Luther wird am 1. August zu Meissen 24

Jac. Strauß gegen Abrechnung der Freiheit 23.

Dis hant zwe Puren gemacht. —

Luther an die Lutheraner allein steht, dass sie
Bücher aufzunehmen 24

Fünft. Wolfo Gorzenis auf dem Reichstag
wurde 1524 v. Hans Bechler

zweie Prädikanten

Luther an die Christeninde allein vom
Gott sei Dank 21.

Vom Ursprung des Wolfsburg
der Almanus in der Lügde

Jes. Wolff in Fried,
Luther der Friedeigen Friede.

Jac. Strauß Lüngkau'sches

Erläuterungen 1522

W. Luther aus der Cliffordschen Gr. 22

— " — Generalafat 23

— " — zum Zusammenhang Marburg 22

— " — Kuhn'sche Festschrift. 23

— " — Lübeck 23.

— " — zu einer Messe.

— " — zum goldenen Giochum 23

— " — Marburg Galatas

— " — altere Geschichte

Simon Hoffmann Osnabrück

Luther Monatskalender 1522 einigen 23

— " — David'sche Epistole mit Psalmen 23

— " — zum Pfingstfest

— " — Ostern

— " — für die drei ersten nach Grafschaft.

— " — Zusammenfassung der drei Schriftentwürfe



Luther ist nun aufmerkt in Leipzig zu führen
— — — Gottesdienst in der Gemeinde
— — — zu den Feiligen in die Kirche geführt

Strauß aus der Zeit.

Aufzug des Schauspiels, 22.

Allegorien zu Willkür will nicht Magistr.

Herr Kettenbach: Allegorie des Robert in Erwartung

Jo. Lonicer Gnadenbüchlein.

Michel Cromer Verhandlung mit neuen Freuden

Luther: Welt. Obigkeit, was wirst du zu gesponnen

Ulrich in Hütten Salz "Verhandlung"
gegen den Robert. (Kants).

Ein Vorname Dialogus zwischen
Leda und.

Jac.

M

Simon

Luth

-- "


-- "

-- "

-- "

-- "





Bericht büch lin.

Wie das ein yeglich
Christen mensch gewiß
sey der gnaden/huld vñ
guten willen Gottes
gegen ym.

Dazu von der Eer vnd
Anrüssung der abgestor
benen Heyligen.

Jo. Loniceri.

Wer sich berümpf/ der berüm
sich des Herzen.



UNIVERSITÄTS-
BIBLIOTHEK
PADERBORN

Dem wolgelerten herz Johann

Machtolff/ der Rechten erfaren zu Esselingen/
meinem lieben freündt vñ gunner/Entbeütt ich
Johann Lonicerr gnad vnd frid.

Es ist offenbar/vnd sunderlich euch wol bekant / aller
liebster herz Machtolff / was mir für ein vngelimpff zu
gemessen/in vergangnen tagen/von einem Barfoten/der
von mir Christenlich vermant/also das mir auch geraten
von meine besten freündē / wie ich mich solt da ein sicher
ort machen/bis das solchs wesen vō munch/ym zu gross
sem schaden auffgericht/still würde. Auff solchs/dwil es
auch das kriechisch wörtlin ermant also/Mach dich ferr
vom Juppiter vñ seinem blitz/ angesehen das schwer sey
wider hochgewältig zu fechten / vnd auch Christus sol
lichs gebeüt/wie wir nit sollen werßen vnser edel gesstein
für die sew. Und wenn sye euch werde verfolgen in einer
statt/fliehend in ein ander. hab ich mich geben in euwer
vatterland gen Esselingen/so lang mirs bequem oß füg
lich widerumb sehen vnd heimsuchen die stadt Witten
berg. In welchem euerm vatterland / weil der pfarrer
auff der Canzel außschreyt/wie die Kirch mit geyrt in der
junckfrawschafft der gebererin unsers herre Marie/ auch
in anrüstung der heiligen/weiss ich wol/dz söllichs auf
neidischem hertzen von jm wider mich geredt. wan ich
verargkront vnd verschwezt durch einen Stationierer
S. Anthonis borschafft/als ob ich einer were der do leu
gnet die reine junckfrawschafft Marie d mütter gottes.
Hab ich nit mügen durch die finger sehen/sunder mit de
Pfarrer geredt/vnd gebetten/mir die selbigen/ so heut zu
tag söllichs laugnete/wölte anzeigen/vnd eröffnen.auch
weitter von jm wöllen haben/mich lernen/wo doch an

Matt. viii.

Ibidem. x

Stationie
rer S. An
thonij.

a ii

Epistel.

eruffung der lieben heiligen geschriben/ vnd auff söllich gesagt/wie er lügen gepredigt habe . Aber was lists vno derstat er sich nit : er beklagt mich an vor einem ersamen Rath/ doch in meine abwesen / vñ hernach sein geschefft mit erlogen vñ erdichten worten öffentlich an d Cangel von anruffung der heiligen bewert vnd angezeigt. Er be fleißt sich auch vffs höchst mir erslich ein erbarē Rath/ darnach den gemeinen man vngnädig vnd vngünstig zu machen / wie wol er doch mit söllichen fündē oder lusten nit vil geschafft. Zum letzsten/ do er mit mir nit disputieren wolt/wie ich dañ begert im sendbrieff zu jm gschickt/ hab ich mich zur federn gewendt/ erslich wider etlich/ so offenlich d gnad Gottes vnd Evangelischer warheit widersprechen/schreibend. Darnach wider den selben et wern Pfarrhern zu Esselingen . Söllich mein schreiben allerliebster Nachtollft/ bin ich euch zu ziaignen/vnnd darmit begaben verursacht/ dweil die sach vñ handlung eins teils euch auch berüren ist. Mir ist auch nit verborgen/ euwer Christenlichs herz / so ir gegen euerm vaterland tragent/ das alle menschen den rechten weg wawdern vnd Christenliche warheit annemen/alzeit begeren. Welchs noch mit hohem fleiß/ mit iren gesatzen vnd errichtungen/die das zeichen des Thiers / so von Daniele beschrieben(pffaffen vnd münch meyn ich)sagen/sich bereiten zu vndertrucken. Und als ich meyn / werden ir den euern wol anzeigen auf disem / das wir nit ketzer oder verfärer / als wir dañ von etzlichen Pffaffen gescholten/ sonder beschirmer der warheit seyen/ die wir von herzen begeren vnser brüder heyl vnd leben / nit ir verderpnüs. Gehabent euch wol in Christo/mit bitt diß mein schenkung gütwillig von mir annemen . Geben zu Esselingen am. xvvi. tag des Meyens, Anno. M. D. xviii.

Fürnem
vñ vrsach
diß büchi
kne.

J N E S V S.
Worred darinn angezeigt wirt

wie ein yeder christen mensch/ein andern die
warheit zu lernen/vnd den übertreter
zu straffen/so es die sach erfor-
dret/gewalt hab.

NItwürd ich getzwungen auf streitbarem ges-
müt/sunder auf güttem hertzen/etlichen wider-
stand zu thün/die do seind verfürer christendches gemey-
nen nutz/vn föllichis öffentlich,dweil sye so ganz hoch
ffartig/mein sunder vnd gütige ermanung verschmächt.
Vit das ich zugefügte schmoch meiner person fürzyeh/
sonder das ich sche/von föllichen reissenden wölffen/die
herd Christi verderbt. Dan mir auch föllichis züstendig
züthün,dweil das wort gottes / vnnd Euangelium/ alle
Christen angehört. Wan föllichis nit allein züstat Cardi-
nalen/Bischöffen/Pfarrern/Pfaffen vnd Gugelsritzen/
wie sie sich dan berument/sprechend / vnd auch mir für-
geworffen/Was gat dich des münchs predig an: Wir
hond vnsere Bischöff/ Doctores vnnd hochgelereten der
heilgen schrift/föllich seind auffseher vnnd straffer diser
ding,dise soltest du ermant haben/dz sye föllichis gestrafft/
wa der münch etwas böflichis gehandelt. Welchs dan
neut anderst ist/dan/wir seind vnsere hochglerē meister/
vns allein gehört zu mit dem wort gottes zuhandlen/nit
den layen/die nit haben ein beschornē kopff/wie wir nar-
ren/haben auch nit finger mit stinkendem öl bschmyert.
gleichsam were ein vnderscheid/ oder ansehüg der person
vor Gott.

Wee dir Paule / du erweltes vas / so du hören müsstest
diße meister, Was hastu nütz geschafft in der christenheit

Das Euā
gelium ge
bör yeder
man zu lez-
nen vnd
vertrette.

Beschore
kopff.

a iii

Von gewissen

Gal. iii.

so du zun Galatern also schreibst. Wir seind alle sunē ob
kinder Gottes durch den glauben/welcher do ist in Christo
sio vnsere seligmacher. Dañ all/so ir in Christo Ihesu ge
taufft/hand Christū angelegt. Es ist kein iud noch kriech
kein fryher/noch knecht/nit man̄ noch weib/sonder mit
einander in Christo vnsereim herren vereynt. Vnnd aber
mals. In Christo Ihesu ist nichts werdt die beschneydung/
oder vnbeschnitten sein/ sonnder ein newe creatur.
Welchs dañ ganz für die keppf stosszt die selbigen vnsere
meister/die sich vermeynen etwas hö hers/ oder berümp
ters dañ and zu sein/ die ynen alle ding allein zu schreibē/
berümen sich wie sye Doctores der heilige schrift seyen/
so sye doch nicht minders dañ söllichs wissen. Ach aller
süssester Ihesu/ was ist doch heut dollers/ vngelerter/
vngeschickter/vnd vnbekuemers/ dann Bischoff vnd
Doctores der heyligen schrift / die allein dem tuttel nach
Doctores/ vñ an yn selbst betriege christenlicher herzen
seind/mit andern pffaffen vnd münchen. Wil wider sol
liche anziehen das Christus den Phariseerit furwürftin
Mattheo. We eich schriftgelerten vnd gleichner / die
zuschliessend das reich der himel vor den menschen. Je
gond nit hinyn/vnd andere lassent ir auch nit hinyn gon.
Vnnd in Luca. We eich erfarnen des gesetz / die ir eich
selbst geben vñ zugeeignet den schlissel d' kunst. ir seind
nit eingangen/vnd die hynein wolten / hond ir verhun
dert. Dabey will ich weiter handlen mit geschrift das
verstandē werd/wie alle christē menschē zügelassen vñ ge
walt gebē sey/dz wort gottes zu lerne/so es von nötten ist.

Mat. xxij

Luce. xj.

Num. xi.

Es ist ein edels ort am büch der zal / von zweyen He
dadt vnd Medat/welche auch gott lobten vnd Weissagē
in den gezeltē / wie Moses/do söllichs hat Josue gesehē
ist erz u Moses gelauffen / sprechend. Mein lieber herz



der gnaden gottes.

Moses / verheit das die zwen nit weissagen. Hat er jm
geantwurt. Was bistu meinhalb ein eyferer: Wolt gott/
das alle menschen weissagten / vnd in gott sein geist geb.
Was ist klerlicher dañ dise wort: Wöllent ir aber sprech
en ir biderleut/das es mir nit züsse/züuermane einen der
offentlich vor der christenlichen kirchen sündet: Fürwar
in disem stück volgent ir Josue nach/ so ir verhindere die
so die warheit beschirmen sich bestessent. Wolt gott/das
ir allein Josue/ vnd nit ewers gemüts abgott nach vols
geten. Dañ Josue so bald er von Moses gestrafft / hat er
von seinem eyferen gelassen/ gehorsam gewest der stün so
vō menschen gottes ist aufgangen. Ir aber (leider) wölt
nit allein vngehorsam sein der rechten leer/sunder den der
euch vermanet verschmächt ir/vn schreyen in auf mit la
ster nāmen / des dañ einem Christen menschen nit züsstet.
Moses hat begert das alle propheten weren / ir wöllen
niemants dañ euch selbst. weil ir doch nit der seelen/sun/
der ewern nutz suchen. Ja die ir auch nit was das heyl ist
versteet/sunder allein auff ewern bauch geneigt . Darum
kumpf Moses sach mit ewer überein/glichsam Christus
vnd der Teuffel/das liecht vnd finsternüs/fleisch vnd
der geist.Moses hat nit verbotten die propheteyen. Ses
hend auff/das irs nit verhindert/vn wider das wort got
tes handlent. Dīse schrift Moysi ist gar kreffig zu bewes
ten/wie die heilig schrift off vnd dick anzeucht/kein an/
sehen & personen bey gott sein/ vñ das auch nit allein den
Sophisten/ auch jnen nit allein zugehör/ einen der recht
mit der schrifte vmbgeet/züstraffen/auf dem dz sye grosse
ittel habē/ als ob sye vnsere Doctores werē. Sollen auch
die nit straffen/ so mit dem wort gottes erfült vnd vnder
richt seind. Söllichs alles werden wir klerlich mercken/
so wir betrachten was da sey oder heissz ein prophet.

Ago. x.

Von gewisse

Der ist ein prophet/nach dem nāmen / so er künftige
ding verkündet/durch götlich offenbarung / oder der die
heimlichkeit götlichs worts / durch offenbarung des heil-
ige geists verkündet. Solch prophetē seind gewest Mo-
ses/David/Nelias/Nieremias/ vñ andere/welchen gott
künftige ding geoffenbart. auff das sye der selbigē so ge-
wiss weren/als ob sye yetzund vergangen waren. drumb
kumpis oft/dz sye vergangne zeit/für künftig gebrauch
en. Diese offenbarung erzeigt gott do er sprach. So vnder
euch würt sein ein prophet des herren/ den würd ich er-
scheinen/vnd im traum zu ihm reden. Und die propheten
gehören nit allein zum alten testament/haben auch nit al-
lein vor Christus menschwerdūg gegründet / sunder seind
auch heūtigs tags bey vnsern zeiten/wie etwan/vnd ver-
haren bitz zu vollendung des leibs Christi. Das betreffs
tigt auch S.Paul. Und er hat etlich in seiner Kirchen ge-
setzt zum ersten Apostel / zum andern propheten. Und an
eim anderen ort. Und er hat etlich Apostel geben/vnd ei-
lich propheten. Was da aber sey prophetisieren lert Paul-
lus in der ersten Epistel zu Corinth. am. viiiij. cap. sprech
end. Wer da prophetisiert / der redt dem menschen auff/
richtung/besserung/vermanung/ vnd tröstung. Seind
aber das nit klare wort: das prophetisieren sey zum ersten
reden auffrichtung oder besserung. Wer redet also: Der
der do prediget warhaftig vnd reyn das wort Gottes/
auff das die menschen von gott gefangen / vñ bekert wer-
den von iren sündē/zum geber alles guten. So dañ also d
mēsch würt auffgericht/nach christlicher ermanung/falle
im dañ ein trostung zu leist zu. Als dañ d apostel Paulus
gar schon nach ein ander meldet. Der prophet hawt vnd
richt auff/wen er vns fürsetzt den waren gott/ das on yn
keiner sey/ vnd welcher ein anderen eere/ es sey gleich die

Iwas ein
pphetsey.

Num. xij.

j. Cor. ii.

Eph. iiiij.

Propheti-
sieren/ od
weissagē.

Vffrichet.



der gnaden gottes.
vernunft/oder sunst ein creatur/dz er ganz feri vom rech-
ten weg trete/den weg der verderpnüss wanndert/vnnd
genzlich/wān er dem menschen sein bösen weg durch
gott offenbart vnd anzeigt.

Darnach so ermant der prophet/wān er vns fürtregt
das wir nit in vnschen schendlichen yrthumben beleiben/
das wir nit verstecken vnsere hertzen/wie dann auch der
psalm/vn sunst vil andere ort sagen.heit so ir werden hō Psal.xciiij.
ren sein stim/solt ir nit verstoppfen/oder verhōrten ewes-
re hertzen.Nie zū gehören alle gebott der heilige schrift/
vnnder welchen/gleich wie diss yetzt nach volgend das
hōchst vn grōst ist/also schleüsst es auch all andre in sich.
nemlich.Du wirst liebhaben gott deinen herren auss Deut.vi.
ganzer deiner seel/auf allem deinem gemüt/auf alle dein-
nen krefften/vnd deinen nechsten als dich selb.nichts ans-
derst lauten das gesatz vnd propheten/dan diss zwey ge-
bott.Diss seind wort in welchen wer nit würt blibē das
ers volbring/der ist verflucht.Auss solcher ermanung/
werde wir furwar alle schamrot/vn also geschenkt/dz wir
müssten verzwiflen/so gott sein hand vns nit dar streckte/
durch welch er auffricht vns gewissen vn hertzen.

Der prophet tröstet/weñ er lernt wie Christus für vns
ser sünd gestorben/vnd vmb vnscher rechtuerigung willen
auferstanden/weñ er auch zeigt das lemlein das hinweg
nimpt die sünd der welt/welcher vns von gott ist wordē
weisheit/gerechtigkeit/heiligmachung vnnd erlösung.
Söllichs gehört zū einem prediger/so das euangelium
verkündet/vnd einem propheten/das er die erschrocknen
hertzen/durch auffrichtung vnd ermanung/für e zum sa-
ligmacher Christo vnnserm herren/welcher auch durch
sein blüt erfunden hat die ewige erlösung/vnd eingangē
ist in die heiligkeit/allzeit anschowend dz angſicht gottes

Ampe
eins christ-
lichen pie-
digers.
Hebr. ix.

b

Von gewisse

für vns. Und das er lerne/ wie Christus vnnser brüder
gnügthüer vnnnd versöner sey / so wirs warhaftig glau-

i. Cor. xiiiij. Paulus. Zwen propheten oder drey sollen reden/vnd die
andern föllich red richten. Und so es einem der do bey-
sigt vnd zuloßt würt offenbart/ so sol der vorige schwe-
gen. Dann ir allein vnnnd yeglicher in sunnderheit wor-
sagen mag. vff das alle lernen/vnnnd alle tröstung empfa-
hen. Welchs dann wider sye ist. Dañ nit allein das wort
gottes / an die Doctores gebunden / auch nit allein an
den/so das wort gottes verkündet/sonnder zu allen Chri-
stien. vnnnd wie das vteil sey bey annderen/ welche durch
die geschrift die propheteyen eins andern beweren/oder
verwerffen.

Deut. vi.

Darüber sagt Moses also. Hör Israhel/gott ewer
herr ist ein gott. du würse liebhaben gott deinen herren/
auf ganzem deinem hertzen/ auf gänze deiner seel/ vnd
auf gänze deiner krefte. Und dise wort so ich dir heit
gebeut/werden dir sein in deinem hertzen / vnd würse sye
sagen deinen kindern / vnnnd würse sye betrachten sitzend
in deinem hauß/vnd wo du wanderst vff dem weg/ auch
wenn du schlaffest vnd auff steeest.

Israbel.
Israbelite.

Israhel / bedeut die ganze kirchen . Wir seind Isra-
heliten / die wir Christo durch den glauben anhangen.
Nun ists am tag/wenn er spricht / Hör Israhel/ das der
heilig geist züglich die ganz christenheit mit eynschließ.
Israhel was vom somen Abrahams . drumb seind wir
auch Israhel / dweil wir kinder Abrahams mit Christo.
Hye ist auch lauter / wie ernstlich vns allen gott sein wort
befelhe. darumb gehört es zu vns alle/welcherley stands
wir seyen.

Diss lernet auch die vrsach des verborgnen leichnams



der gnaden gottes.

Christi/welchs öfftermals vns S.Paul befylcht. Dweil
wir Christen alle sampt seind ein zusammen gesetzter oder
gesassster leib/vn ein glid vom glid/ was eine glid übels
oder glücks zustat/ würt auch allen anderen glidē begeg-
nen. Sölichs alles / dwil ic mirs nit mügen abschlahen/
warumb werden ic mit dann nit zulassen/das mirs auch
züstee was man predige dē christen volck: Es gefelt euch
nit/das ich in sunderheit einem münch der barfoten zers-
trennung züständig geschriben. Aber warumb solt ich yn
nit ermant haben: so die schrift erfarnen vn gleichner was-
ren stümen worden vnd die sach gar nit verstanden: Solt
ich erstlich andere gefragt haben: Dwil sye es nit verstan-
den / noch wöllen versteen vmb ibr buchs willen/hetten
sye mirs gar nit zügelassen. Wan̄ hette Christus d̄ wort
des reichs den seinen nit ee verkündigt/die obriſten der sy-
nagog weren dañ vorhin gefragt/lieber was würde er ye
züwegē gebracht hon: Auff diſe meynung/ wan̄ Paulus
vnd all heilgen gottes marter/die warheit gottes nit ee
bezeugt/biss sye die obriſten züvor hettē rat gefragt/weit
were das euangelium in der ganzen welt erschollen: Nit
das ich mich Christo/den zwelfbotten/oð heiligen mar-
terer vergliche/sonder d̄ ich erzeige/wie ich iren füßtap-
ffen wer nach gefolgt. Ich beken̄ mich lützeler vnd min-
der gethon/dañ mir zügesanden.wan̄ den ich solt offen-
lich gestrafft(wie Paulus sagt/den sünden straf öffentlich)
hab ich in sunderer schrift ermant.vnd noch sprechent ic
mich vtrechte gehandelt haben. Christ von himel ist mein
zeug/ das ich auf Keim neyd / wider yn / noch andere be-
wegt bin/weyters dañ mein hertz schmertzlich bekümet
über ir doll vn̄ dumme blindtheit. Aber der münch/dwil er
mein chris̄tlich warnūg nit für güt vō mir außgenommen/

i. Tim. v.

b n̄



Von gewisse

Buchsol
ger.

hat ers dem pfarrer W. Gorgē geklagt/welcher pfarrer als nichts der seelen/sunder des beutels/büchs / vnd der kuchin ein sonderlicher versorger hats nit mügen vertrag en oder lyden sein fromschafft von mir vernicht werden/ dem woll gott verlyhen ein rechten geist/ das er nit fall/ zum argen.

Dweil ich aber vernim / den barfoten münch sein geschwezs yetzund / noch an der Cantzel offenlich beschirmē/ würd ich angereizt jm zum andern mal widersprech en sittenmal ich erfah/yn vō euch nit gestrafft. ob ich doch etwa möcht verstopfen solich lügen oß bōß vnnütz reden. vnd das auch die christenlich kirch erkenn/mich nit sein ein abgeschnittens glydmaß. das ich auch nit vernicht oder veracht die müter gottes vnd gebererin Chri sti vnsers seligmachers.

Ein stark
argument

Zum ersten verwunder ich mich seer/so ir sprechen/die hohe schül sey des Keyzers/ vñ das man nichts handlen soll wider sein gebott. vnd darumb hab ich vnrecht thon das ich den münch in seiner predig gestrafft / sunderlich weil ich Lutherisch wer.

Nit Lu
therisch/
sonder.



Luther ei
prophet
gottes.

Sanct Paul in der ersten epistel zün Corinthern am erst en capitel/verbeütt das ich Lutherisch sey. Ich erkenn aber die euangelisch vnd christenlich lere im Luther/ wölcchen so ich verschmächte/so verschmächt ich auch die warheit so durch in erschinen ist. Auch sol man dem Keyser wider gottes gebot nit ghorsam sein. Ir sollen widerstrebē den wölfen/vnd seind selbst wölf. Ir sollen Christenliche leben helffen/so beschwärēt irs. Wer den Luther verdampft der verdampft ein christenlichen vnd heiligen propheten gottes. Aber das ir fürchtend / dʒ ewer vniuersitet möchte ein vngelimpff überkumen von des Luthers wegen/was iſts anderſt/dañ dʒ ir fürchte eurer gewalt vñ herschafft:



der gnaden gottes.

Doctor Martin ist nit wider Keyserlich Maiestat/ sond
mit ir. Er strebt nur wider aller ständ vnnglauben/ vnn
schalkeit. vnd den allerschendlichsten brauch der Uniuer
sitetten/ so die zarte jugent dem Teuffel opfferen/ mit heys
discher vnochristenlicher schrifft lernen/ vnderwisen/ vnd
ganz verderbent. also dz sye nachmals wider hindersich
lernen müssen. Ich geschwyg der versürung viler vnnütz
en schwetzen/ so die vnbefleckte hertzen/ mit iren vnnütz
en meynungen/ lugnen vñ gotzlosen leren erfüllen. Weit
sy e lernen den freyen willen/menschlich krafft/ vnd erteich
te verdienst der werck/ gnügthüng / vñ ander vafnacht
spil. Die jugent solt man vnderweisen ym gesatz des her
ren. Aber yezund würt sye in Hohen schulen getzwunge
für den wein/wasser zetrincken / vnd für das wort gottes
die Aristotelisch leer zu fassen / für silber den schaum mit
sonderem widerwillen auff zunemen. Euch stünd zu das
ir die warheit beschirmpfen/vnd dar vor werent/das nit
ewer Pfarrer etwas boßhaftigs oder vnbillichs wider
Christum fürnemen/ zwar ich halt nit/ das die burger so
grob oder verstockt weren/das sye nit hörten / so man yn
die warheit predigte. Acht dabey wenig meiner zugesfüg
ten schmoch/vil mer achtend vñ schmertzlich beklagend/
von euch vnd ewers gleichen münchen vnd pfaffen/ die
götlich warheit vndertrucket werden.

Der edel vñ wolgelert Heinrich von Eppendorff/ hat
sich vor Ray. Maiestat Regenten vnd Räthen zu Ensis
sheim in ober Elsas/ entgegen gesetzt/do der obrest mei
ster vnd ander woltent verleschen vnd verdammen die chris
telihe sach. Lieben heren wa waren ir : Warendt ir nit
schamrot/do ir gesahen wie Christus vnd sein lere von ei
nem Teutschē edlen geliebt/vñ beschützt/die ir vormals/
als dem Rayser entgegē/ verurteilt hetten : Wie ist d deijz

Vnnütze
leer & vni
uersitetten.

Eppendorff
von Meis
sien.

b iij

Von gewisse

Reyser wider / der yn erkent ein herren von gott erwölft
geben vñ geordnet: Nye frag ich eüch/auff das ich bewer
Martinum ein propheten zü sein/vñ losend mit auff diese
mein fürwerffung. Welcher redet zür auffrichtung/erma
nung vnd tröstung/ist ein prophet. Martinus Luther re
det zür tröstung ic. darumb ist er ein prophet. Den ersten
j.Cor.xiiij puncten bewert Paulus zün Corinthiern wie oben ange
zeigt. Den andern/bewert Doctor Martinus ewige ge
zeugnüs so er in seinem schreiben gelassen. Trutz eüch/
so ir ein Theologische ader in euch habt / zerbrechent od
löhend auff erstgemelte schlussred. So ihs aber nit mü
gent / ihs von nöten eüch bekennen / Martinum Luther
ein heiligen propheten zü sein in Christo/ durch welchen
wir alle angesangen in dem Tauff geheiligt zü werden/
vnnnd aber soliche heiligmachung in vnnserem abstreb
vollbracht würt. Dañ warumb anders heisst sunst Paw
lus alle zü den er schreibt heilig brüder: vnd warum nennt
David im. xvij. psalm die so noch vff ertrich leben heilis
gen/ do er sagt. Mein begin vnd lust ist in heilgen/welche
vff erdtrich gott loben:

Nun wil ich mit eüch weiter reden vnd handlen/ die ie
lernent vnd sagt mir frey vnder das angesicht/in gegen
wertigkeit vilen bider leütten / das ein christen mensch nit
wiss ob er sey in d gnad gottes oder nit/ ob er sey ein glied
des Teüffels/oder Christi. Soltu solch vngöttlich ding
reden vñ doch ein Doctor der heilige schrift genant sein:
Fürwar es gehört nit zü einem Christen söllich grusam
ding außzuschütten vnd lernen.

Luther
ein ppbet;

j.Cor.xiiij

der gnaden gottes,

Das ein Christen mensch gewiss

sey der gnaden Gottes.

Vffs aller gewissest ist d̄ in der gnad gottes vñ huld/d̄
gott glaubt vñ heiligt den Sabat/oð die rü.dz ist/d̄ von
seinen wercken müssig geet vnd laſt gott in jm würcken.
Wer mag aber wissen ob er gott gelaubt vñ vertraw oð
nit: Also würstu mit wider antwurte wie ich dañ weissz,
dweil Ecclesiastes spricht. d̄ mensch weißt nit ob er d̄ lie,
be/oð des hass-würdig sey. mit welche teyt sye gschwind
die armē gewissen quellen vñ trucken/gleichsam föllicher
text beschluss/dz wir vngewiss waren ob vns gott liebte
oð nit. Der hebreisch text hat andst. wo sye dē selbē rechte
ansehen/wie sye dañ nit wünschē noch begeren vñ wölle
die Sophisten/ es wer nichts dz sie an disem ort vff hielte
oð verwürzte. Der selbig teyt aber laut also. Der mensch
weißt nit die liebe vñ hase aller angesicht. ist so vil geredt.
Wiewol gerechte vñ weisse leüt seind / vnd ire werck in d̄
hand gottes/mag doch d̄ mensch nit erkennen/ob die sel-
bigē gott lieb oð nit/nach vßerlichē schein. dañ dz anzlit
eüsserlich /mag nit so gar antzeigē des herzen innerliche
entpfindung. Wir künneñ dz herz nit alzeit richtē auf dē
angesicht. Er redet nit von eigner liebe/oð hass eins yeg-
lichen/sund von and leüt herzen geschicklichkeit. Liebe vñ
hass seind innerliche bewegungen / welche dz fleischlich
aug noch ausserlicher schein/vñ werck nit erkennen mag/
sund alle ding seind vngewiss bis zu künftiger zeit / vnd
wir alle werden erkennē wölche gott liebt/ welche er nit
liebt. Diss meynüg zeigen auch an nachfolgende wort dz
alle ding/böß vñ güt dē bößen vngerechten/wie den rechte
en zu handē steet / dz die bößen ires lusts vñ güts gebrau-
chen/gleichsam die frünen. Darum mag man nit aufs föl-
cher vngleichchen sat nemen/welcher gott liebt oð hassit..



Von gewisse

Sprichstu/wie werde wir vns dañ vndereinander lieb
haben: wie werden wir dañ so mit frankheit beschwärte
vnd sunst armen leütēn zu hilff kumen. Weil wir sôlichs
nit erkennen mügen: antwürt ich dir. Mit menschlichen/
oder fleischlichen augen/die nit wissen was der geist/we-
den wir das nit erkennen/yedoch werden wir das verston
im geist. Dwil Christus gesprochen. Auß iren werken
werden ir sye erkennen. Was sôlichs für werck seind/sage

Matt. viii.

Gal. v.

Luc. xiiiij.

Ibid. xvij.

i. Cor. xv.

j. Co. xiiiij

F. Auch volgt nit. Ich weiss nit ob gott Eleutheracum
liebt oder hasszt/drumb bin ich nit wissent meiner eignen
lieb/oder hass. Und so du mir für hältest den latinischen
teyt/so halt ich dir für den hebraischen/nun trinck du vo
dem flüsslin/wil ich auf dem brunnen drincken.meynsu
das Paulus vergebens geredt/do er sagt. ich will das ic
alle mit mancherley zungen redend/aber mer will ich das
ic prophetisierent. Wo seind ic nun ic neider der zungen:



der gnaden gottes.

Wölt ic noch befelch geben/wie ic dañ etwan vndereinan
der ernſtlicher meynung geredt/hern Erasmo von Roten
rodam/vn Johanni Reuchlin / so der frembden zungen
od sprachen rechten anwälter/dz sye das kretschisch vnn
hebreisch vnterwegen / vn das latinisch allein vns lassen:
Warumb verbeytend ic nit S.Paulo dem lerer d heyden
oder völcker / vnn auch erfarnen der zungen / das er nit
schreib zün Corinthiern. Ich will dz ic mit zungen reden:
Aber wes vndernemen sich nit die verderber der edlen iu
gent: vorab so sye besorgen/ir kuchen werd schmal/so die
herrlichen sprachen fürhin dringen:

j.Co.xiiij

Aber auff dem weg zü bleiben . Der bōß geift/dwil er
weifft wie gross dran gelegen/ vnn wie angenem es sey
dem gemeynen Christenlichen nutz/das ein christ gewiß
sey des guten willen/gottes huld/gnad vnd gunst gegen
jm/befleißt er sich auffs höchſt/das sölch gewiss vertru
wen aufgerütert auf menschlichem hertzen werde . wels
ches züollendē er krefftig gewest ein gar lange zeit in sei
nen werckleuten Doctoren der hohen schulen/die do alle
zeit dem armē volck gepredigt vn dargereicht/ die vniwiss
senheit für die gewissheit/gericht vnd zorn für götlichen
gunst vn huld/für gold schum/für die heilig euangelisch
warheit menschlich lügen. Darumb dwil der Teuffel
sicht/ Christum wider auf dem grab auff erstandē / ist es
not das des Teuffcls werckzeug Christo vn seinem wort
widerstandt thüen. Sye wöllen nit vngelert sein.sye wöls
len nit/das die heilgen hetten mügen irren / vn alles was
irem liegen entgegen/schetzens vn achtens gänglich als
ob es vrech�t sey. Aber gott würt krafft geben denen so er
schickt/ das euangelium zü predigen/ vnn züerkünden
mit grosser krafft/wölcher auch nit mügen widersteen all
die porten der hell. Und was mag grössere schmach sein

c

Von gewisse

gott vnserm herren/dañ sölchs/ d̄z wir nit wissen ob wir
seyen in der gnad gottes/oder nit: Ob wir glider gottes/
oder des teuffels seyen: Vff das du aber sölchs verne
nest/will ich diße beschlußred setzen.

Schlussred.

Wer da leügnet/das ein christ der gnaden gottes vnges
wiss sey/der leügnet gott den vatter/ Christum sein gebe
nedeyten/vnd die ganze heilig schrift.

Diß will ich bewerben mitt öffentlichen anzeigungen/
auß göttlicher hulff. Der ewig gott/dweil er wolt das der
mensch/so von ym erschaffen/ soll gewiss sein väterlich/
es gunsts/gnad vnd huld die er gegen ym trüg/hat er yn
alle zeit ganz güting getröstet/mit seinen ganz freüntlich/
en/warhaftigen versprechungen oð zusagunge/wölcbs
dañ würt klar werde/so wir sölchs vom vrsprung wer
den anschawen. Dañ so bald vnser erster vatter Adam vñ
Eua vbertratten das göttlich gebott/hat er sye gleich ge
tröst vnd gewiss gemacht seiner gnaden vnd gunst/do er
sagt. Feindschafft würd ich setzen zwischen dir vñ deim
weib/ vñ der somen würt dein haubt zerknitschē. Tempt
war/gott hat nit gewöllt d̄z vnserer ersten väter solten ver
zweyfeln. het sye sunst nit mit gewissen zeichen befestiger.
Der halben Adam / d̄ gunst vñ gnad gottes gegen ym so
gewiss/wie gewiss er ist/gott sein warhaftig/ das er nit
lyegen müg. In dißer gewissenheit habē gewandert mit
vertrawē vñ verharrung des somens die liebē väter bis
zür zeit des sündfluss. Darnach hat gott Noe auch ein
zeichen gebē seins guten willens/den regen bogē in wob
cken. Und hernach er auch Abraham beim eyd verheissen
benedeyung vñ merung des somens/vñ in seinem somen
gebenedeyet zu werden alle völcker. Welchem wort er
die eüsserlich beschneidung glichsam ein sigill zugesetzt.

Gen.iiii.
Zeichen
Adæ gebē

Gen. ix.
Zeichen
Noe vñnd
Abrahe
geben.
Gen. xxii.



der gnaden gottes.

Darumb ist Abraham also gewiss gewest der gütwilligkeit
keit gottes gegen ym / wie gewiss er yn bekant/vnnd das
gott die warheit sey. Das ich aber auch zum newen testa-
ment kum̄/spricht Christus also. Wer da würt glauben/
vnnd getauft sein / der würt selig werden . Wer aber nit
glaubt/der würt verdampt. Die zusagung stet vest/das al
lein die glaubigen sollen salig werden / nit die die werck
volbringen oder arbeiten. nit die do wercken / spruch ich/
auf iren krefften/sunder die von iren wercke müssig geen/
vnnd dulden das gott in ynen würcke.welchz die feyr/ so
dem volck gottes verlassen/feyren vnd vollenden. Und di
ses ist ein gewiss vnd unbetrüglich zeichen der Tauff.vñ
damit wir gewiss/das vns gott günstig vñ gäts gunne/
nempt war/ der sun gottes Christus würt erst von Jo-
hanne getauft/ vñ die Taub vom himmel herab ist jm vff
sein haubt gesessen/ ein stim vom himmel erhört. Das ist Mattb.ñ.
mein geliebter sun . Welchs neut anderst/ dan ein starcke
gewissmachung vnd versicherung/vnsers vnglaubigen
herzens. Aber von dem Tauff sagt Paulus also. Ir brü Roma. vi.
der wißt ic nit ob wir die in Christo Ihesu getauft/seind
in seinem tod getauft: darumb seind wir zugleich mit ym
begraben/ durch den Tauff in tod / zugleicherweiz wie
Christus von den Todten erweckt durch die glory seins
vatters / das wir auch also in verneuerung des lebens
wandlen. Also seind zwey ding in dem Tauff/ der Tod/
vnd die aufersteung/oder auffweckung. Den tod vnd be ding ym
grebnus zeygt an die eintunkung in das wasser/das wir tauff.
mit Christo gestorben/ vnd begraben seindt. Die auß im das fangt
ziehunng auf dem Tauff / bedeūdt die aufersteung ~~verdun wir~~
vnnd ein neuw leben. Darumb ist der Tauff ein gewiss ~~mit Christo~~
zeichen göttlicher gütigkeit gegen vns. Wenn wir ~~verföhnden~~
in das wasser gesenkt werden/ nemen wir ein zeychen nit uns auf

c n

Von gewisse

des tods/das wir mit Christo sterben. wen̄ wir aufgezo
gen/nennen wir ein zeichen der auffersteung mit Christo
vnserm herren. Würt auch zu vns gesagt gleich wie zu
Christo. Dis ist mein geliebter sün/in dem ich ein wolge
fallen hab. Durch den Tauff/ ja mer durch den glauben
welches der Tauff ein gewiss zeychen / seind wir kinder
gottes . als wir hond Iohann. i. zün Römern am achten/
zün Galatern am dritten. vnd auch brüder Christi. wie er
vns nennet am. xvij. psalmen. So ir gottes kinder seind/
so seind ir auch brüder Christi. Darum seind wir gewiss
der gnad. Als lang wir leben in diser welt & bosheit/mü
gen wir nit leben on sünd/in die wir alzeit fallen. Aber ge
dechtnuß des Tauffs tröstet vnnnd sterckt den sündler also
seer/das er nachmals nit widerum sündige/sund wandle
im newen leben/vnnnd werde ein neue creatur. Aber was
ist grōßer sicherung vnsers heyls/ dañ der tod Christi: dz
er vmb vnsert willen die sünd worden/ vnd von der sünd
die sünd verdampft hat. Dañ dweil gott gesehen/ das die
befleckung vnnser schnöden natur anders hat nit mügen
versönt werden/dañ durch sich selbst/hat er seinen einigen
sün herab/ geschickt/ die menschlich natur an sich genum
men/ welcher für vns sündler seine göttlichen willē gnüg
thet. O wie vnausprechlich ist die gütigkeit vnd barm'
herzigkeit gottes/vnnnd freundschaft/ der seinen einigen
sün für vns geben / vff das wir glaubten vnd yn lieb het
ten. Es ist nit ein kleine bosheit/ der verwürckung vnnser
natur / welche niemants dañ allein der einig sün gottes/
hat mögen widerbringen. ist auch nit ein kleine sünd/wel
che durch jn hat müssen vßgewischt werden/ vnd vertil
ket. Vnnnd wiewol wir fallen/vnnnd auch söllichs oft ge
schicht/wie dañ der spruch laut. Der gerecht felle zu siben
mal im tag/ so erwischet vns Christus/vnd eröffnet vnsere

Mattb. ii.

ij. Cor. v.

Pro. xxvij



der gnaden gottes.

augen,auff das wir anschauen seine wunden/ so ym von
vnser sünden wegen geschehen/vnd widerfahren,auff das
wir bestiglich glauben vns vnser sünd vergeben/vmb
seines tods willen. Dwil aber wir armen sündler tägliche
gereyzt vnd vmbgetrieben durch vnser sünd vñ vns auch
täglich von nöten sey götlicher tröstung / hat vns Christus
stus vñ seiner gedechtnüß willen sein lebst nachtmal ver-
lassen/sein zarten leichnam vnd blüt / zur vergebung der
sünd. Dañ er verheissen/vns geben sein leichnam/ vñ ver-
gyessen sein blüt vmb vergebung der sünde. Und söllich
krefstig zeichen vnd band ist das/ so wir essen vñ trincken
den leichnam/vnd sein blüt. Und darumb der do vom hi-
melischen tisch gespeist / ist so gewiss d̄ gnaden gottes/so
gewiss er ist Christum gottes sun sein.

Darumb / ist des leibnams Christi vñnd seines blüts ^{Was das}
niessung nüt anderst / dann ein erneuerung des Tauffs. ^{sacrament}
Dan so offt die sünd also seer vnser gewissen reitzen / das ^{des altars auf}
wir nit besteen mügen vor dem glast / des antlitz gottes/ ^{für uns alle}
also das wir ganz vergessen der gnaden so vns im Tauff ^{ummission}
zugesagt/ist vns bereit ein tisch vnd ein tranck für gesetzt. ^{Der Zünft}
auff das wir gewiss werden der nachlassung vnser sünd/
vñnd der gnad gottes / so er vnnis verheissen in dem so er
spricht. Tempt vñnd essent/das ist mein leichnam der für
euch gegeben würt/ vnd dis ist mein blüt des neuen vñ
ewigen testaments/dz für viele würt aufgegossen vmb ver-
gebung d̄ sünd. Und so wir diser verheissung Christi ver-
trawen/werden wir versicheret d̄ gewisse vnser erlösung/
vnd nachlassung aller vnser sünd.

Ihs aber nit also / dz vnser Gott allen Christen menschē
würt sagen/vnd söllich billich. Mein volck/wz hab ich ^{Michel. vi.}
sollen mer thän das ich dir nit gethon: Er hat seinen eini-
gen sun für vnser sünd geben/vñ fordret nichts von vns/

c iii

Von gewisse

dān allein den glauben/vn̄ den selbigen nit erdicht. Das
christēlich gemüt wie heilig dz sey/mag nit begreiffen die
reichthum vñ schätz göttlicher barmherzigkeit. gott d̄ als
mechtig will in gäzter heiliger schrifft nichts ands habē
dān allein den glaubē dz wir ym die eer vñ glory gebē/vn̄
nit zweiflen / dz wir seyen in seiner gnad/ ōd glīd Christi.
So wir aber dz nit glauben/seind wir glider des teuffels.

Marc. ix.
Luc. xvij.

Mar. xij.
Matt. vi.

Matt. vij
Ioan. xv.

Vnd so du noch ein schwachē glaubē hast vñ noch nit
glaubst/bitt Christū / dz er deinem vnglauben behilflich
sey vñ den selbē mehr. Christus hat vns gelernet/wie vnd
was wir betten sollen/sprechend. Vatter vnser der du bist
im himel. Wen ich gott würd glaubē das er nit allein sey
vnnser vatter/oder der anderen/ sunder auch mein vatter.
Dān söllich von nōten.wie Paulus sagt. Dz ich yetz
leb im fleisch/leb ich im glauben des sūns gottes/ōd mich
geliebt/vnd sich selbst für mich geben.so bin ich warhaff
tig in ōd gnad gottes . Solchen glauben vñnd vertrauen
fordret Christus von vns/wen̄ er vns so oft anredet/vnd
zū ym ladet sagend. Bittend/so würt euch geg. Und
widerumb. Was ī werdent bitten den vatter in seinem
namen/dz würrer euch geben. Sy wie lieplich/ gütlich/
süßiglich vñ brüderlich hädelt Christus vnser heri mit
vns. Was vns gebrüst/verheisst er vns dz wir söllich er
langen/so wir nur gott bitte in seinem namen. Wer mag
schetzen ōd achte sölche grosse gütter eins christen mensch
en : Also seer seind wir mit der gnad vnsers seligmachers
überschütt/dz wir nit allein nit zweiflen sölle ob wir syen
in ōd gnad gottes/sond auch vns fräwen vñ erhebē/wid
vnser gewisse/ sünd/tod vñ hell. Er ist vmb vnser willē
mensch worden/an dz creütz geschlagen/vñnd gestorben/
aufferstanden/vnd gen himel gefaren,vñnd solchs alles/
vmb kein anders geschehen/dān dz wir gewiss / wie wie



der gnaden gottes.

durch Christū gott dem vatter versönt weren/vhd dʒ wir
auch nimmer zweifleten an seinem guten willen. Vnd so er
nit gewölt dʒ wir gewiss waren der gnad gottes/für war
het er seine sün nit geschickt vff diese welt. Yetzūd fordert
er nichts anders/dan allein das wir ym glauben/ seinem
treüwen zeichen/vn̄ einigem sacrament,das Christus ist. Christus
Vnd so wir nit glauben/dʒ Christus vns geboren/vn̄ für ist das sa,
vns gelitten/werden wir in die tiefe versenkt. Vn̄ solch^s crament.
er vrsach willen seind wir christen geweschen mit dē was
ser d̄ widergeberung/dʒ ist d̄ Tauff / vnd des glaubens.
da mit wir gewiss/dʒ wir ein pfand hettē d̄ gnad vn̄ göt
liches gunsts. Es lernet vnn̄s auch bestendiglich d̄ pro
phet Esaias/dʒ wir nit zwiflen/ Christum ein pfand sein
vnsers heyls do er spricht. Ein jüngling ist vns geboren/ Esiae. ix.
vn̄ ein sün ist vns gebē/welchs gewalt ōd̄ reich ist vff sei
nen schultern. Aber vn̄ser Christus weil er ist d̄ jüngling/
warum zweifleten wir dʒ er vns geboren vn̄ gebē sey: Sol
ten wir nit gewiss sein/so were der frum̄ prophet ein lüg
ner. Ja drumb hat d̄ prophet gesagt/dʒ vns dʒ kindlin ge
born/vn̄ vns geben sey/dʒ wir nit wanckleten/ glichsam
nit zu allen gehört dʒ er wenigen ōd̄ etlichen het zugelegt.
weil doch gott wolt/dʒ alle christen der jüngling gemeyn
were. Darumb ist die red gar wider gott/welcher da sagt
wir wissen nit ob wir seind in der gnad gottes / oder nit/
vnd ob wir seyen glider Christi/oder des Teüffels.

Nun hör nit mich/ sunder Paulum von söllicher miss
trewo schribend. Du solt nit sagen in deinem hertzen/wer
würt vff steigen in himel: das ist Christum von oben her
ab ernidern . oder wer würt absteigen zu dem abgrund:
das ist Christum von todten widerum bringen. Ein sol
lich red ist d̄ gleßner vnd die an gott verzweiflet / die nit
vff den vestē felsen/sund vff den sand ire werck gründent.

Roma.x.

Von gewisse

Sölche dweil sye verzweiflē an irer auffsteigūg gen him
mel/leügnen sye auch Christum auffgestigen sein. Er hat
vns den weg bereitet/ vnd so wir nit werden auffsteigen/
so ist Christus auch nit auffgestigen . welchs nichis an
derst/dann die warheit straffen. Darnach sagen sye. Wer
würt absteigen in die tyeffin: Ich weiss wol dz Christus
ist abgestigen zur hell/ aber wer würt in herwider bunge
zū mir: Ich weiss nit ob er für mich auch an dz creuz ge
schlagen/vn̄ gestorben/ob er auch für mich in die hell ab
gestigen vnd wider aufferstandē sey . Wer will mich ver
sichern oder vergewissen / das ich auch müg dem tod ent
trinnen/vnnd erweckt werden gleich wie Christus: Wer
also zweiffelt/ der laugnet Christum aufferstannden sein.
Vnd wer do zweiflet vnd sorgt / das er nit wird entgeen
den färlichkeiten des tod/s/der zweiffelt auch ob Christus
sölliche gefärlicheitē entgangē sey . Aber Christus ist jne
entgangen/nach der schrift/darum würt söllicher zwey
fler nit sehen dz lebē. Gleich wie du sprichst. Wer weißt
ob wir glydmäss seyen gottes/oder des Teuffels/ob wir
seyen im zorn/oder gnaden. Bisu so ein alter Doctor/ vn̄
beschirmpst söllich vngötlich/ ja ketzerisch leren für war
heit: Söllichs ist aber nit groß zū verwundern. dweil du
dich auch berümpst / den freyen willen zū bewerben / auss
heidnischer vn̄ heiliger schrift. wie du dañ neulich auch
bewertest/als du gesprochen/das gott vergebens dem vn̄
milten vnd gotloßen fürwürffe sein gotlosigkeit/ so er
durch sich selbst zū gott nit kumen möchte. Wan̄ wir also
mit der schrift handelen/ist ein zeichen eins verblynt ge
mäts/vnnd ganz von gott abgewendet. Seind auch der
massen verkert / das man vns gleichsam den seuen das
edelgeslein (das ist / das wort gottes) nit fürwerffen sol.
Mein ursach darumb ich schreib/ist.auff dz ich die goz

O grosser
Sophist.

der gnaden gottes.

fertigen seelen ermane / vnd warne / damit sich fölliche
senfmitige lemlin hñten vor euch den reissende wölffen. worum
dis buech
in gescht
ben.
Ewer gottlösigkeit vrsprung ist vñ dem allein / dz ir gott
die eer nit gebr/bawen vñ erwere eigne werck / vnd nit vñ
die gerechtigkeit so auf dem glauben fleisset. dañ föllich
gerechtigkeit des glaubens / wie ir yezund verstannden/
spricht also. Du solt nit sprechen/wer würt auffsteigē gen
himel: solt auch nit sprechē/ föllich gerechtigkeit weyt von
dir gesetz/sonder wie Paulus sagt/ nahe bey dir in deine Roma. 10.
mund ist das wort/vnd in deinem hertzen. vñ das ist das
wort des glaubens das wir predigen. Den so du bekennt
in deinem mund den henn Ihesum/vnd glaubst in deine
hertzen/dz yn gott von den todten erweckt hatt so würstu
selig werden. Wir dörffen nit klagen/ das wir nit mügen
erlangen den hymel oder den abgrund. Hymel vnd reich
ja auch Christus ist nit von vns/sunder nahe/vnd in vns.
Dañ im glauben stats ganz vnd gar / vnd der glaub ist Glaub.
im hertzen. Der glaub ist ein vrsach/das vns nit verderbt/
nütz/sunder heyl vnd seligkeit begreiff vnd widerfar.
Durch disen glauben gibt vns Christus alles das vns
notürffig. dañ er ist ein zeychē der vermaehung. Darum
als bald yn gott sycht/ erkennt er sein braut. Ich werd dich
mir vermaehelen/sagt gott durch den glauben/vnd würst Osee. 11.
wissen dz ich ein henn bin. Durch disen glauben/ do Paulus
Christo ganz vermaehlet was hat er geschryen. Chr Ro. viii.
stus Ihesus ist der so für vns gestorben/vnd erstanden/
yetzund im himmel sitzend zur gerechten gottes / für vns
bittend. Darumb wer würt vns absündern von der liebe
gottes: trübseligkeit/oß angst/hunger / bloßheit/färlich/
eit/verfolgung/oder das schwert: wie dann geschriben.
Vmb deinent willen werden wir getödet den ganzen tag/ Psal. xlif.
vnd seind geachtet gleich wie die schäfflin die man ab-

d

Von gewisse

würgen soll. Dañ ich bin gewiss/dz wed tod noch leben/
noch engel/principat/krefft / gegenwärtigs / künftige/
stercke/höhe/noch dieße/ auch kein and creatur vñns abi
sündere mag / von d liebe die do ist in Christo Ihesu vn/
serm herre. Ich frag dich heiliger Paule/ fürchtest du nit
diße so do sprechen/dz wir nit gewiss / ob wir in d gnad
gottes seyen/ od nit: welcher hertz also verbrennt vnd ver
blent ist/dz sye hören vñ nit versteen/sehend vñ blind wer
den. Darauf volgt/dz sye wed Christum/noch Paulum
grossachtent. Durch disen glaubē ward auch gott vermā
helt/d do sprach. Vñ wenn er mich gleich würde tödten/
will ich dañoch in yn hoffen. Dañ er wissst wie Paulus
sagt/dz yn kein trübseligkeit möcht von seinē gott abwen
den. Wan ob schon gott ein erwürgte/ mag er den selben
wid lebendig machē. Vñ darum tödtet er die seinen/dz er
syē widerum ewig lebendig mach. Also ist auch Chisus
getödt/am dritten tag vfferstanden/ vnd nachmals ewig
lebend. Es ist auch Stephanus also ertödt/mit allen heil
gen marterern so mit irem blüt Christū bezeugt hand/in
heyligē friden jetzt rüwend. Will hye nit vnangezeigt los
sen Davidem vō gott geliebt. Diser als er in solliche ver
trauwē gott vermähelt ließ er gott also vil in ym würken
dz er/do er von seinē sün Absolon auf dem reich vertriebē
ward/disces lobgesang vnd hochzeitlich lyed von ym ließ
hören. So ich gnad erfind in den augē des herre/würt er
mich wid in dz reich eynfüren. So er aber zü mir würt
sprechē/du gefalst mir nit/so bin ich wärtig / er mach wz
ym gelieb/od gfellig sey vor jm. Ach höre wie groß seind
deine wund/die von dir in deinen liebē heylgē gewürkt.
David wüste wol/wie deiner göttlichen barmherzigkeit
kein grund ist. Darum zwiffelt er nit ob du yn schon vom
reich vñ herschüg deines volks entsetztest/ würdest dich
sein doch wid erbarinē. Was auch ganz willig/zü allem

Iob. xxxij.

Rom. viii.

¶. Re. xv.

Vertraw/
ung Da
uids.



der gnaden gottes.

dem dz dir gefellig/wolt gern verderbē/oð genesen/so es
deim göttlichē willē gefellig,sollichs gern vñ deinē nam
mē/mit willigē hertē tragē vñ dulde. O wie großmütig
ist David gewest/nit aus̄ menschlicher krefft/ sunder aus̄
gewissem vertrauwē gegē gott. Leugnest du nun den heylīgē
Stephanū/Paulū/vñ alle liebē heilgen/ mit gewisse
habē/ob sye in d gnad oð nit seyē: Was sagstu sophist: ist
jm nit also : ja auch nit anderst.welcher sagt / die christen
menschen nit gewiss/sunder vngewiss d gnadē gottes/d
spricht/alle heilgē die yetzunt in Christo rūmē/vngewiss
gewesen / darum dz sye eben durch dz wort des glaubens
glicksam wir gesteckt gewiss vñ vō gott versichert seind.
Wen sie dañ vngewiss gewesen d gnad/ so ist ynen auch
vnwissen/ob sye gott erlōft hab/oð nit. habē auch Christum
also nit angerüfft.vñ zum letzte vngläubig gewest/
dazu nit entpfangen dz wort des glaubens vñ göttlicher
verheissung.welchs er doch mit seinē eyd bekrefftigt/vff
dz wir nit wanckeltē. Aeynstu aber dz gottes/vñ des vat
ters unsers herren Ihesu Christi testament/eyd/vñ zeichē
seines gütē willē gegē vns/ vergebens vñ vñ sunst seyē:
Ein mensch dēnoch lugēhaftig/will dz testament/vñ
erd so er von ym geschicht vñ geschwore/gewiss sein/vñ
nit vergebens.du aber wilt dē wortē gott/vñ göttliche war
heit d schnōdē creatur vñ lugin geringer achte vñ vteile:

Darum sollen wir nit zweiflen. Christus ladt vns/vnd
gebeut/will auch dz wir ym glauben/vñ gwiss seyen sei
nes gunsts gegen vns . Darumb er vns so vächterliche vñ
ganz vberflüssige züsgung geben hat, die wir auch nit
sollen verschmehlen noch ym misstrawen . So wir aber
jnē nit vertrawen/machē wie yn zum lugner. dz gott nit
verheng.Dañ wie Abacuk sagt. So sich einer durch vñ Abacuk.ij
glauben entziehen würd/der würt gott nit gefellig sein,

d ij

Von gewisse

Psal. xcijij

Nu. xxvij.

Gotts für
sehung.
Pro. xxv.
Eccl. iij.

Loban. x.

Matt. yle. 25. 46.

David rüfft alle glaubigen also an. Heut wan̄ ic werde hören sein stimm/sollen ic ewer hertzen nit verstopfen ic. Alle Israheliten(wie dan̄ ist geschriften / das yn gott hat verkündt vñnd gesagt / wie sye alle würden sterben in der wüsten. ist auch keiner überbliben / dañ allein Caleph ein sun̄ Jephone/ vnd Josue ein sun̄ Nun) seind dernider geschlagen vnd gestorben im ellend / vmb keiner andern vñsach willen/dañ das sye nit geglaubt haben/gott iren heffer sein zu allen zeytten/vnd so oft wider den gemurmet der sye bisz vff die selbige stund beschirmt/behalten/vñ durch dz rot meer gefürst hat. Solch menschen seind wir allesamt/ die nit glauben/das gott vns güt gönne vnd genädig sey/ auch vnn̄s einig liebe. so doch gott nichts anders dan̄ dasselb von vns fordert/vnd wir darumb getauft/vñnd mit so vil verheissungen versichert seyen. Ist auch nit not das wir die ewige fürsehung gottes empzig erforschen,dweil die schrift sagt. Wer da ist ein erforscher göttlicher maiesat/würt vndergetruckt von der glori. vñ an eim andern ort. Was zu hoch ist/soltu nit erforschen. Gott hat vns fürgesetzt seinen sun̄/ vñ seins sun̄s fleisch. vnd ist von nöten / das wir vom fleisch allein essen. Christus ist der vns hilff thüt / welcher sein selbs füßtapffen er vns lernet selbs wandlen/vnd auch S. Peter. Soll ich füßtapffen stend allein im glauben/vnd der liebe. vnd so wir in disen füßtapffen werden wandlen/wiirt vns die predestination oder fürsehung wol finde. Wo wirs aber nit thün/werde wir nit eyngon in die rüe die vñfern vätern zugesagt. Und sollchen glauben in die züsgung vnd vertrawung gottes/da mit wir gewiss. der göttliche gna den gegen vns/lernet das gesetz vnd propheten.

Zum letzte sagt vns Christus durch Mattheum also. Gond hyn/lehnend alle menschen/ alles das ich euch ge-



der gnaden gottes.

botten hab. Und was hat er aber gebotten sein aposteln:
Warlich nit/das sye vngewiss weren seines gunst/vnd
seinen worten nit glaubten / sunder gantzlich das wider-
spyl. Darumb volgt/weil du leügnest alle christe mensch
en gewiss sein der gnaden gottes/ dz du auch verleügnest
gott/Christum sein gebenedeyten / vnnnd die ganz heilig
schrift. Merckstu nun / wie mit grosser gottlösigkeit du
vñ geben bist: Ich halt nit darfür/ Arnu/Pelagiu/Mas-
nicheum oder etwo einichen ketzer sollichs leügnen dz du
gehalten vnnnd gelert hast. Ist mein fleissig bitz an dich/
wöllest vff sehe/dz du nit bleibst in föllcher verstoppfung.
ker wider/gib gott/vnd seinem wort die eer.

Dwil aber die hohen schulen sollich gottlösigkeit/gotz
lesterung vnd versürung der seelen lernen / gütiger gott/
was straffs/die so von dir ynen zügewendet/ seind sye
nit würdig: Aber ich wünsch/das gott sollich
widerum vffricht vnd ernewere/durch
Christum unsren saligmacher/ der
in ewigkeit gebenedeyett.

A M E N.

d iii

J D E S V S.

Wō ererbyetung vnd anrūffung

der Heilgen/so ferr die göttlich schrift
zeugknüss gibt Johan.

Lonicer zum leſſer.

I

Ch hab mer dañ gnüg erfaren / o christlicher leſſer/
wie das weſen so von Neylgen hin vnnd hāt erwechſt/
mer zu hader vnnd zanck / mer zur verderbung des glau-
bens vnd der liebe/dañ zur auſrichtung dyene . Davon
kumpes/das ich mich vngern in folch labyrinth/oder ver-
warrung gebe. Es bezwingt mich aber etzlicher läſterer/
vnuerschampter vermeſſenheit/mit welcher sye das wort
gottes vermaclen/auch daouon zu ſchreiben. Sunſt wölk
ich gern erfüllt haben das kriechisch ſpruchworlin Lathe
viosas.das iſt / Halt dein leben also / das du nicht bekant
werdeſt/welchs dañ einem christen menſchen ſunderlich
zugehör / dſich allzeit beſteiſſen ſol Christo ſeinem heru
allein bekant ſein . Derhalben / wil ich yetzunt öffentlich
bekent vñ vorbezeugt haben/dſ ich nichts freuelich/ oder
wiffentlich/der ſchrift vnd warheit entgegen/ ſagen/vſſ
bringen/oſ halten wölle. Sunnder aber/ wo einer bieſter
offenbarung hat in göttliche wort/ beger ich von herzen
der ſelbigen teilhaftig zu werden.vnd ſo mit einer/dſ ich
geyrat/warhaftiglich beweift/wil ich ym gern folgen.

Zum ersten wil ich die epiftel/ oder den ſendbrief zum
Barfoten durch mich geſchriften/diſ mein ſürnemen be-
treffend / an tag geben . Darnach geſchrifte mit welcher
anzeigt/vnd bewert würt / das Christus Ihesus ſey un-
ser müler vñ fürbitter / nit die Heilgen. Zum letzten will
ich vſſ löſen die ſtrewin argument damit der pfarrer zu
Eſſelingen vermeint / anrūffung der lieben Neylgen zu
bewerben/vnd darthün.

Halt dich
ſtill.

Bezeug
nub.



UNIVERSITÄTS-
BIBLIOTHEK
PADERBORN



Die Epistel zum Franciser münch hat diß
nachuolgend meynung.

Neyl vnd seligkeit sey dir in
Christo Ihesu.

Was hastu für ein weiß vnd maß würdiger vatter / zu Sendbrief
felschen vnd zu beslecken das heilig wort gottes: Bistu Io. Lonic
übertreffenlicher vnd besser dañ gott der hoch vatter: wel ri gümbar
cher/ als geschriven Matthei am. xvii. mit disen worten foten.
anredt seine eingebornen sün. Das ist mein geliebster sün
in dem ich ein wolgefalen hab, welche wort allein vns
serm saligmacher zugehörig / in deiner heutigen predig
der junckfrawen vnd müter gottes zugelegt hast. Lieber
sych an den Euangelisten also in ym habend. Und nempt
war/die stymm in den wolcken ist erhört/ diß ist mein ge
liebster sün ic. Die junckfrau vnd gottes gebererin Ma
ria/ was vff erden/nit in den wolcken. darumb an diesem
ort seind die wort des vatters/nit der junckfrawen. Man
soll auch/vnd müß nit alle wort der heylgen schrift/der
müter Christi Marie/ wie auch nit andern heilgen/züles
gen. Wer auch föllichs noch ein geringe schlechte sach/
wann du nit das so allein Christo unserm herren zugehö
rig/seiner iunckfrawen vnd müter Marien geben hetteſt.
Inn dem du sye/mit eytel lob / auch über Christu erhebst.
Die selig junckfrau wil nit mit abzeyhung götlicher eer
gelobt werde. Kein heilg wil auch nit / das wir vns von
im verhoffen zu erlangen das in seinem gewalt oder wil
len nit stadt. Es ist ein einiger mitler/sagt vns Paulus. j.
ad Timoth. ii. der mensch Christus Ihesus/welcher von
gott dem vatter fürgesetzt ein versöner durch den glaubē/

Von anruffung

durch mitlung seins eignen blüts, vff das er erzeygte sein
gewaltigkeit, vmb vergebung vergangner sünd / die gott
der herz gedultiglich getragen vnd gelitten, vff das er ers
zeigt sein gerechtigkeit in diser gegenwärtigen zeit, in dem
das er gerecht sey / vñ rechtfertige den / der da ist auss dem
glauben Ihesu. Vß dem nun erfolgt / das lobgesang Sal
ue regina rc. vnrechti / bōß / falsch / vnd gotloß sein / darin
man singt von d̄ junckfrauē Maria / du bist vnser leben /
heyl / vnd hoffnung. In welchen worten du sye wunder
lich erhebst. Die gebererin gottes / oð eincher heylig / soll
oder will nit anders / dañ yn die geschrift lobt / geert wer
den. Maria die vnuersert müter Christi / ist gnügsam ge
lobt / so du sye mit der heylgen schrift ob allen weyben be
nedeyest vnd ein dyenerin verkündest. welcher demüt (als
syd dan von ir selbst singt) vff kriechisch tapinosin / d̄ bei
deut / verwerffung / gott hat angesehen. welches alles dañ
der heylig prophet gottes Martin Luther / rein vnd klär
lich gelert / in seum schreiben über das Magnificat. Ich
würd auch hye nit höre Bernhardū super Missus esil.
das lob so der müter geschicht / auch irem sun zügemessen
werden. Wie wol ichs zu lass wen du würst verston / das
lob welchs die geschrift in ir helt. Aber das leben / hoff
nung / vnd heyl ist nit in Maria / nit Petro / Paulo / Franci
sco / Dominico / oder in etwa einem heylgen / dañ allein in
Christo Ihesu. Sunst würt nit ein einiger mittler gottes
vnd der menschen, welches dañ wer Paulum der massen
für einen lügner halten. Ich lass auch vnderwegen / wie
gar einer vngeschickten allegory dich gebraucht hast von
dem helffenbein stül Solomonis. in. Reg. v. dweil du
sollichs mit keiner schrift beweren magst / hettest wol
sunst ein weit feld vñ matery deiner predig mögen habē
so du in dem tezt des Euangely belibest, wes was dis

Df Saluc

M. Luth.

Bernhar.

der Heylgen.

von n̄sten/zu solchem geschwetz ganz vnnütz / auf dem
rechten weg zetretten/vnd jrr faren: Ich bitt dich durch
Christum/vnd sein wort/das allen christen menschen ge-
meyn ist/predige das wort gottes / zu welchem ampt du
verordnet bist/rein vnd volkumenlich den schäfflin Chri-
sti. Wenn auf sunnder liebe so ich zu ynen hett/ hab dich
müssen ermanen vñ erinnern. da mit ich auch nit krank/
so etwan ein gelid des leichnams Christi verworlost vnd
schwach auf sollichem predigen würde/welcher dañ vff
heutig zeit die ganz welt voll ist. Gott geb krafft seinem
Euangelio. Amen. Gehab dich wol/vnnd bitt für mich.
Am sambstag vor Reminiscere. Anno ic.jm.xvij.

Dß ist der sendtbrieff/ wölchen ich darumb herfürge-
bracht / da mit ir secht / wie recht ich mit euch hanndle.
Sunderlich so er ist ein brunn diser sach / auf welchem
mit follem fluss dß handlung überflüssig aufgossen vnd
geflossen. Gott der ewig ker vnd wends zum besten.

Diser brieff halt gänglich mit kürz begriffen in ym/dß
die heylig juncfraw Maria/ alle lieben gottes Heilgen/ Summari
inhalt des
brieffs.
nit anders sölle gelobt werden dañ sye die heylig geschrifft
pflicht zu eren. Dß die lieben Heilge nit vnser mitler/ noch
fürbitter seyen/sunder Christus vnser herr vñ saligmache-
er. Vñ ee ich sollichs entdeck vñ klärlich an tag bring wil
ich etlich gründ vnd fundament geschriftilich anzelegen.

Der erst grundt.

Deuterono.am.v. Ir werden euch nit lenden noch zur
rechten noch zur lincken / sunnder den weg der euch von
eürvern gott gebotten/wandlen.

Der annder grundt.

Deutero.am zwelfften. Was ich dir gebeüt/ das thü al
lein dem herren. du solt nichts dar zu thün/ auch nichts
daruon nemen.

e

Von anrüssung

¶ Der dritt grundt.

Prou.am.vvv. Ein yeglich red gottes ist ein feüriger
schilt/denen so in yn hoffen. Du solt nit züthün seine wor-
ten,dz du nit gestrafft vñ erfundē werdest als ein lugner.

¶ Der vierd grunde.

Christus Matthēi am letzten capitel. Gond hyn/lerend
alle völcker/zehalten alles was ich euch gebotten hab.

¶ Der fünft grundt.

Paulus zun Galatern am ersten. Und so ein engel vom
hummel/wird euch verkünden anders dann wir euch ge-
predigt/d sey vermaledeyt. Auf welchē ortē volgt dijer
beschluss/dz nichts gar sey zu bestätigen/oder lerern/so du
es mit gezeugnuß der geschrifft nit beweren magst.

Sehendt ir nun/dz ich mich vff göttlich vñ hymelisch
wort gründe / welchen nit allein Augustinus / Hierony-
mus/Ambrosius/mit allen andern wie sye genant lerern/
sonder auch engel vom hymel weichen sollen. Also ganz
ferr ifts/das ich fürchte/oder groß achte menschliche vr-
sach. Ich will aber habē die Biblisch schrifft/nit die ver-
worffen/nit menschen bullen vñ erdichte vffsätz. Bringet
doch die selbig ganz gewisslich herfür/welche lerne vnd
gebyete sollich anrüssen der heylgen. So ir aber das nit
thün/so wöllent vffhören die Christen zu betriege/ nichz
der heilgen schrifft zu / noch von thün / oder den zwölff
stücken des glaubens / den dryzehnsten / anrüssung der
heilge/zusetzen. Nun will ich setzē ein kurtzē begriff vñ
red/dgruff sich all argument/ bewerend der liebē heilgen

anrüssung lendend oder streckend/vff diß meynung.
Allein Christus ist ein müter gottes vnd der menschen/
vnd auch vnser einiger fürsprecher/nit die müter gottes/
noch kein anderer heilg/wie groß der verkündet würt.

Düm ersten wöllen wir sehen / was eins müters ampt

ppositio.

I
Ampt eis
müters.



der Heilgen.

sey. Wo da ist frid/einigkeit vñ freündtschafft/ darff man
keins mitlers. Wo aber zwoytracht / krieg vnd feintschafft
zwischē zweyen parthyen/were wol man notürftig eines
mitlers vnd vereinigers söllichs hin legen vnd abzüwen
den. Darumb heisst diser ein mitler / der auf zanck frid/
auf zwoytracht einigkeit macht / vnnd den verletzten teil
durch sich selbs still vnd zu frid richt. Ein mitler

Nun das menschlich geschlecht von Adam herkommen/
ist von natur den sünden vnderworffen. als daß Paulus
bezeugt sprechend . Wir werden von natur geboren kin/
der des zorns. Darumb ist von nöten gewesen eines mit/
lers/od versóners der sich zwischen ynlegt/ vnd den men/
schen gegen gott versónet. wan̄ der mensch ym selbst gott
nit hett mögen versónen. dwil er allein zum übel geneigt.
aber got d allein güt/allein barmhertzig ist/ hat sich über
vnser jamer vñ gebrechē erbarmbt/vñ seiner eignē gütin
willen/on all vnser verdienst vns ein versóner verheissen.
vñ solchs zu gwisser kuntschafft durch den eyd Abraham
zugesagt/vñ versprochē/zükünfftig in seinem somen aller
menschē gebenedeyng. Der somē Abraham ist Christus/
welcher dañ vō ewige gott zu einem versóner/ durch mit/
tel seines blües vns fürgesetzt ist. Gott d ist nit ein lügner
wil auch nit sein versprechung vñ verheissung durch sein
eyd bekrefstigt/vō einer menschē vffgelöst od vernichtige
werde. sun̄ will/dz wir in yn allein trawē/sein gebott als
lein halten. So wir aber ande mitler erdencke/von denen
die in gott verscheidē vñ gestorben/würt gott zu eim lug/
ner/sein eyd vñ versprechung vergebens vñ veracht. weil
er nit volkūnlich die heyden od völcker in seinem so/
men gebenedyet hat/der som auch nit volkūnlich/vns
die wir sünden seind/versónet. Gott ist aber warhaftig/ Psal.cxxv.
vnd alle menschen lugenhafftig.

Epbe.7.

Gen. xxij.

Gal. iij.

Rom. iij.

e ii

Von anruffung

II Düm andern/ David sagt. Er hat geschworen/vnnd
Psal.cix. würt yn nit geruwen.du bist ein priester in ewigkeit nach
der ordnung Malchizedek. Nempt war/ gott hatt seinen
sün auch mit einem schwür gesetzt eine priester zu ewige
zeitten. Des priesters ampt/ist betten/für das volck bitte
vnnd opffern . Christus ist der wohhaftig priester/allein
vnnser fürsprecher / der sich auch für vns selbst geopffert
hat/vnnd sunst niemand. dwil sunst keiner/ dañ Christus
vnnser herr / nach der ordnung Malchizedek priester sein
mag. Wie mol vns in gemeyn die heilige schrift wahrhaft
tig künig vnd priester macht/das wir ye einer für den an
dern bitten mög. Wir hanndlen aber hierin von den die
gestorben vnd in Christo rüwent/ nit von denē die vff dū
sem erdtreich vnd jamtal wallent vnd bilgrent.

III Düm dritten sagt sanct Paulus . Darumb die wir ge
rechtfertigt seyen durch den glauben / haben frid zu gott
durch vnsren herren Ihesum Christum. Durch welchen
wir haben ein zügang durch den glauben in die gnad/in
welcher wir ston vnn trözig seyen in der hoffnung der
eer der kinder gottes.Nye vernemen vñ hören wir vnsren
freyen zügang zu gott durch Christū seinen eingebornen
sün/nit durch seine lieben Heylgen.

III Düm vierden schreibt vns gemelter Paulus. Der seine
eignen sün nit übersehen vñ verschönt hat/ sunder yn dat
geben für vns alle . Vñ wie hette er dañ auch vns nit alle
ding mit ym gebē: O wie ein grosser schatz heyliger Paw
le/ist in disen deinen worten : das gott nit verschönt hab
seinem eingebornen sün/sunder yn für vns alle sampt dar
geben.O wie groß ist die liebe göttlicher gütigkeit/gegen
vns schnöden vñ vngläubigen creaturen/ die gott durch
sein selbs süns tod hat wöllen behalten vnd seligen . Vñ
densem einigem ort mag ein Christen mensch lychtlich ab/



der Heylgen.

mess'en/wie gott als von anbeginn bis vff diese stund/ also
auch allzeit will vns barmherzig sein/vns enthalten/be
schirmen vnd erlösen von allem übel. Sollichs zu bestätē
vnd beuestigen/hat er vns das aller kostbarlichst pfand
seine eignen sün Ihesum Christum geben. Verlyhe mir o
ewiger gott deinen geist / das ich müg verston/vnd war
haftig entpfinden/ diese deins Pauli großmechtige vnd
heylsame wort. Dañ so Christus vns gegeben/seind vns
auch alle ding deren Christus ein herr ist / mit gegeben.
Christus aber ist ein herr aller creaturen / des Tods/ der
hell/vnd des Teuffels. Also auch vnd wir seind herren
mit Christo aller ding durch den glauben.welches sanct
Paulus clärlich thüt lernen . Alle ding / sagt er/seind eū
wer eygen/es sey glich Paulus oder Apollo / es sey auch
die welt/das leben oder der tod/ gegenwärtige oder künf
tige ding. Alle ding/ spricht er / seind ewer/ir aber seind
Christi . Hye bitt vnd erman ich dich christenlicher leser/
wöllest diese sanct Paulus wort hertzlich betrachten. wan
auf diesen worten mach ich ein söllich eynfürung. Sanct
Peter/Paul/Augustin/Bernhard vñ alle gottes heylgen
seind vnnser eigen. desßhalb so seind wir grösser dañ sye/
so wir durch den glauen Christo anhangen. Wir seind
nit ir/ sonder sye vnnser. Was ist aber das/vnnser: Nit an
ders/dañ vnder vnnserm gewalt/ vnder vnnser herschafft.
Wan Christus will/ dz wir herschen über Cephe/Apol
lo/über den tod/ das leben vnd die hell. Christus ist vns
ser herr. die liebē heylgen so vnder Christo / seind nit vnnser
herren. sunst wer nit ein gott vnd herr aller ding. Und ob
schon die heylgen für vns betten/ würde vns der höchste
vñ beste gott/vnd Christus sein einger sün/meer erhören.
Diese züflucht haben zun lieben Heilgen/ist alzeit ein ges
wiss zeichen eines verzweifeten am guten willen/ guthat.

i. Cor. iij.

e iii.

Von anruffung

vnd barmhertigkeit gottes gegen vns.

v. **Rom. viii.** **D**üm fünftten bezeugt das aber sanct Paul sprechend,
Christus ist d gestorben/vn vfferweckt/sitzendt zu der ge-
rechten gottes/für vns auch bitte ist. Aber die liebe Heyl-
gen rüwe im frid/seind noch nit vffgeweckt. Wan Chi-
stus ward nit gesetzt zu eim fürbitter/eedan vnd er von
den todten vfferstund/sond nach seiner vorstende/vn him-
melfart,vß welchem klärlich angezeygt/das die heyligen
nit fürbitter seyen/dieweyl sye nit erweckt seind.

vi. **Hebr. ix.** **D**üm sechsten bezeugt auch die Epistel zün Hebreern/
Ihesum nit eyngangen in die heyltum oder heilge ding/
so von menschlicher hand gemacht/welches da seind an-
zeygung vnn figuren der warheit/sonder in himel.das
er erschiine dem antlitz gottes für vns. Und was will vn
helt anders dise ganz euangelische epistel in ir/dan allem
Ihesum Christum vnsfern bischoff vnn prieser sein/vn/
fern brüder vnd fürbitter:der vns erlöst vnd in hummel
eyngangen.vff dz wir mit grossem vertruwen zu ihm tráy-
ten eylend yn zügon in die rüwe/vnn ewig erbeit vns
verheissen. Aber von anrüssen der Heilgen/so in Chisso
verscheiden/halt dis epistel zün Hebreern/glich wie and
Biblische glaubwürdige schrift nit ein einigē büchstäbe
in ir.Warumb thün wir doch was vns gott nit gebotet/
vn was er vns gebetet lassen wir vnderwegen: Ich zeig
nur an vil gezeignuß,vß das ir vernemē mögen/die vñ
nützen schwetzer vnd schender der heilgen schrift/so sye
vß gott vñ vnsfern saligmacher/ein ernschaffte richter ge-
macht/yn allein ein grusamen straffer/vns nit zuerhöret/
so wir nit vmbgebē mit grossen haussen vñ zal der gottes
Heilgen fürbittung.dieweyl vns doch Christus selbs an-
spricht/Kumpet zu mir ic.gleych sam gott ein weltlicher
fürst/möchte nit anschauen vnsere hertzen/ee dann wir



der Heilgen,
etwas von ym bittend.

Darüber wöllen wir auch hören S. Johānem der da VII
spricht. So yemants würt sünden/so haben wir ein für j.Ioan.ii.
sprecher beym vatter/ Ihesum Christum den gerechten/
vnd er ist vnser gnadung vnd versönung/für vnser vnn
auch der ganzen welt sünde.'Es wer ein wunderbarlich
ding/dweil an so vil orten der heiligen schrift/ein eniger
mittler vnd fürsprecher Ihesus Christus würt angezeigt/
vnn daneben kein heylig/ das sollichs von den heiligen
propheten vnd euangelisten / als vns sündern nötig/ver-
gessen/vn vnderwegen bliben.do daß gott will vor sein.

Nun will ich herfürbringe Paulum in der ersten epistel
zū Timotheū am andern capitel . wañ ich sollich ort obē
im sendbrieff dem münche zugeschickt / anzeigt . Paulus
spricht erstlich also. Ich bitt zum fürnemsten/dz geschehe
bitt/gebett/ermañgē/ vñ däcksagunge/ für alle menschē
für künig vnd alle so in hohem gewalt oð herschung ge-
setzt seind.dz wir mügen ein rüsam vnd stills leben führen/
in aller gütigkeit vnd reinigkeit, wañ sollichs ist güt/vnd
angenem bey gott vnserm seligmacher/welcher da wil dz
alle menschē selig werden/ vnd zū erkantnuß der warheit
künien. Wañ es ist ein gott/ein eniger mittler gottes vnd
d menschen/Christus Ihesus/der sich selbs ein erlösuung
für vns alle dargebē hat. Es ist ein eniger mittler/spricht
Paulus. So nun ein eniger ist so seind ic nit vil . Paulus
ist warhaftig/aber d münch/ vnd Baltassar Satler/mi-
dem ganzē Römischē vniplat heilē gleichsam ein esel zur
lyren/vnnd lyegen so sye singen im gruß der junckfräwen
Marie/vnser leben/heyl/vnd hoffnung.

So aber du sprechst. Weil wir leben/ so bitte wir einer
für den andern. als daß sancte Paulus auch hye gebeut.
Item die Heilgen / dweil sye noch mit leib vff erdtrich/
hand sye groß güt der kirchen geschafft,vn so sye nun tode

Von anrüssung

vnd nur im geist lebend/werden sye nichts mer thün: Dz
erst/von lebendigen heilgē laß ich gern zü.so es warhaft
tiger ist/dan das etwer dar an zweifel. Aber vō denen die
auf diser welt gescheyden/mag ichs nit zulassen. dweyls
nit mit d schrift bewert ist. Und darum wellen wir sanct
Paulum recht ansehen. Zum ersten begert er/das wir bie
ten für alle vnser glyder. als vns auch Christus hat gelert
im Vatter vnser sprechend/nit/vatter mein ic. Dan die
heylig christenlich kirch ist eben als ein statt (wie dan be
schribē in Canticō gradū. Hierusalem/ welchs da würt
gebawē als ein stat / welcher teilhaftigkugt gleich vñ ge
meyn ist) vnd die kirch ist ein warhaftige gemeynschaft
aller ding die in ic freülich vnnnd treüwlich verbraucht
werden. Darnach sagt Paulus weyter/ dz ein einger gott
wölte alle menschen salig werden / auch das ein mittler
sey gottes vnd der menschen. Gott will alle menschen se
lig werden/doch nit vñ irem eygen fleiß o d krefften. Und
darumb müß man auch bitten für alle menschen/ so wie
alle glyder seyen von dem lebendigē leichnam Christi. Al
les gûts vñ übels eines yeglichen gelyds/ gehört an den
ganzē leichnam. Ein yeglichē glyd auch das da lebt vñ
erden/ist für alle ander bitte. versand/vnder den lebendē/
nit von den abgestorbnen. deren ein mittler ist/ als eins ei
nigen leibs/ vnnnd aller christen so noch in leben mit dem
fleisch beschwerdt seind. Dann nyemant durch sich selbst
mag zu gott kommen . dweil menschlich natur alzeit zum
bösen geneigt/vñ wir vns zum gûten nit mügen wende/
sunder alles vnser heyl ist von Christo vnserm erlöser/wel
cher ist zwischen gott vnd den menschen/ so sich von gott
wendē/ ein mittler vñ versöner/ vnd sich selbs ein erlöser
dargeben hat für vns alle.wie dan Paulus sagt. Dan so
wir möchten durch vns selbst versönt werden / wer nit

Matt. vi.

Psal. cxxi.

j.Tim. ii.

der Heylgen.

von nōten eines mitlers gewesen. vnd wiewol wir leben-
digen einer für den andern mügen vñ sollen bitten / seind
wir darumb nit mitler. Dañ Christus ist der einig/welch
en got gesellig vnd lieblich anschawt/ vnd von dessen we-
gen er vergibt vnser schuld. In welchem/ vnd durch wel-
chen er all vnser vnd der andern gebett erhört/vnnd so er
vnnser fürbitter nit wer/ so wer auch vnnser gebett ganz
nichtzt. darumb ist er der einig vnd fürnemst mitler. Wen-
nun das heyl / leben/ vnnnd hoffnung in der junckfräwen
Maria/oder andern heylgen stünde / so weren vil mitler.
Aber dweil die vns nit hand erlöset / seind sye auch vnser
mitler nit. Vñ disem allem ist klärlich am tag dz die buch-
buben lyegen (wie ich auch oben angezeigt) so offt sye sin-
gen/Du bist vnser leben/heyl vñ hoffnung. Item im Res-
gina celi/welchen du hast verdient zu tragen ic. Dañ soll
lichs nit rechts gesang/vñ keiner schrift gegründt / sond
von den münchen/damit sye ir büch pflanzen / zu sammen
tragen vnnnd gemacht. Christus aber/hat gebotten seinen
gläubigen/das einer für den andern soll bitten. dweil sye
durch den glauben mit Christo seind kinder gottes vnnnd
mitbrüder Christi. Aber die Heyligen/welche gestorben/
dweil sye vor dem angesicht gottes nit erschynē/als Chri-
stus/bittē sye auch nit fürvns. Und ob sye schon für vns
bitten/müssen wir sye drumb anrüffen: Vñ das ichs mit
einem wort aufred/die Heylgen/wie ob gesagt/so ferr ge-
ert/gelobt/vñ angerüfft werden/als ferr die heylig schrift
aufweist. Ich verdam auch od verwirff nit / so man sye
anrüfft. Ich sag aber/das gott anrüffen besser sey. Welche
zwey so ferr von einand seind als golt/silber/ holz/hew/
stupfeln.

Auß der vrsach (das ich vnderwegē laß die anrüfung)
wie mag die junckfräw vñ mütter Christi Maria/ grōßer

Salve.
Regina
celi.

Dwie man
die mütter
gottes vñ
all beylge-
ceren soll.

Von anrüssung

vnd höher gepreißt werde/dan wie sye d prophet preißt/
sprechend. Tempt war/ein junckfrau würt entpfahē/vn
Esaiæ. viij.
Lucæ. i.

geberen ein sun. Item vom Engel. Bis gegrüßt voller
gnad/d herz mit dir/gebenedeyt vnder den weibern. Söl
lich lob ist ye vor vnd nach kein andern weib zügemest
sen oder widerfaren. All andre weiber seind vor Maria
vermaledeyt vnd verflucht/ seind aber widerumb in kün
tigē somē gebenedeyt worden/so zum weingarten/d chiv
stenlichē kirchē gehört habē. Die junckfrau Maria aber
ist gebenedeyt vndern weibern/vnnd in irem sun werden
wir alle sampt geheyligt vñ benediciert. Maria die junck
frau/ist von ewigkeit ein creatur gottes versehen/das sye
wer ein arch vñ heilge wonung des suns gottes/vñ wel
cher er an sich durch würrkung gottes des helgen geists
menschlich gestalt fleysch vñ blüt nem.wie dan die eintre
chtig christelich kirch spricht. Ein junckfrau vor/inn/vñ
nach der geburt. in welchem dan sye hat ein vnderscheyd
vor allen andern junckfrauen vñ mütern. Christus ist vñ
ir geborn on männlich vermischnung oder somen/welcher
ist den gläubigen ein ursach des heyls vnnnd des lebens.
Auch hat die junckfrau Maria nit verdyent/das sye we
re ein müter gottes unsers seligmachers / sunder gott hat
sy vor vßherwölt. berümpf sich auch nit sollichs vñ gott
haben verdyent.singt aber in irem lobgesang. Der herz
hat angesehen die demüt oder niderung seiner dyenerin.
Sye gibt gott die eer/ vnd seiner göttlichen anschawung
zū/was sye entpfangen hat. Dan wo sye der herz nit ange
sehen het/so wer sye niemer ein müter worden. Wir eerē
die selige junckfrau/ so wir vns mit ir frōwen d ewigen
fürsehung/vnnd des höchsten ampts darzū sye gott ver
ordnet genümen. Sye würt auch wohhaftig gelobt/vnd
gott in ir/so wir gott bitte/dz er vns verlych zū begreissen

Merk vff
du nacb/
redet.

Lucæ. i.

Die eer
Marie.

Das lob
Marie.

der Heylgen.

vnd leben nach der lere so vns gibt die müter gottes in
irem lobgesang. Wan im selbigen sye allein gott erhebt/
vnd sich ganz ernidert / gottes großmächtige ding/sein
wunderliche krafft mit grossen freuden anzeügt. Nem
lich die gewaltigen vom stül abzusetzen / die verworffen
wider erholen/die hungerigen erfüllen mit gütem/die rei
chen lär lassen. Sollichs wer ein warhaftigs lob/rüm/
eerung/vnnd liebhabung der junckfrawen Marie. Das
sye aber vom grossen teil mit Rosen krentzen / vnd Rosen
mit zehn peterlin / an die Kirchthüren hyn vnd wider Krantz
geschlagen/geert würt/ seind alles lugin vnd triegery der
Barfoten vnd Prediger munch/ welche mit andern der
Apostolzler orden des Antichrists warhaftig jünger vñ
schüler seind, welche gott mit dem geist seines munnds
bald zerstöre. Amen. In sollicher mass vnd weyß acht Eererbiet
tung der
Heylgen.
ich von allen Heilgen / das man sye nit anrüssen soll/
dweil die schrift das nit bezeugt/ sunder eerent vnd auf
gantzem hertzen in gott loben, als die do seind gewest le-
bendige tempel des heiligen geiss. Wan sol sich mit yn
frolocken/das sye die welt / vnd den Teuffel überwun-
den haben in dem glauben / durch welchen sye allzeit
krafftig gegründet haben. Die Heylgen sollen wir nit/sun-
der Gott vnd Christum bitten/ das er vns glauben vnd
krafft da mit wir wider den lesterlichen Teuffel streitten/
wöll geben vnd verlyhen glicher mass er seinen Heilgen
verluhen hat. Dauon gar ein schönes ort Pauli zün He-
breern würt angezeigt. Wenn ir anschawent der lieben Hebr. xiiij.
Heilgen end/vnd sehent wie sye gelebt haben/ so volgent
irem glauben nach. Dann man muss nit die werck/sun-
der den glauben ansehen durch den sye tugentricher werck
gewürckt haben.

f ii

Von anrüffung

Ist auch sunder erschrecklich / das die Heilgen heüt zu
tag/nit allein angerüfft/ sunder auch gänglich für abgöt-
ter gerecht werden wider das erst gebott gottes/das man
nit frembde götter sol haben . Und das ich von vilen ezy-
lich erzale/so ist sanct Sebastian ein gott d pestilenz/sant
Laurenz der feurs/item sanct Valentin/vnd ander/ein ye-
glicher mechtiger dañ der ander/krankheit züuertreibē.
Ist auch kein statt/die nit hab ire eygne schirringötter vnd
patronen.eine hat Lampertum/ die ander Dionysium ic.
Und nit allein die stett sich sollichs gebrauchent/sunnder
auch geringe vnd schlechte weyler vnd dörffer. Diser get-
gen Compostell zum ferren sanct Jacob.der ander wallet
anderwo hyn. Einer eert S. Annam als ein göttin der
reichtumb/da mit er sollichs möge auch erlangē. Ein an-
derer setzt sein hoffnung vnd vertrawen/ leben vñ heyl in
die heilig junckfrau Maria die mütter gottes so heftig/
das er/ob er gleich ein mörder / oder vneiner verhüter
büb/münch oder pfaff were/weñ er allein den samstag
vasket/vermeynt er vñ sollich werck nit müge verdampf-
werden. O wie groß torheit. o wie groß blindtheit. war-
umb suchen wir heyl in den heylgen creaturen gottes/vñ
die eer göttlicher maiestat so allein gott gehörig/den crea-
turen züeygnen : Ich geschweig hye / wie das etlich auf-
faulkeit vnd müßiggeung/ weit vnd breyt vmbreissen vñ
wallen/vnd alle schalckheit darneben verbringen.

Ist aber das nit ein anzeigen eines teüffelschlichen we-
sens:weñ die jungen kneblin vnd meymlin / so sye werden
angereitz vom Teüffel/vnnd sich nit mügent enthalten/
oder ynen abbrechen/laussen sye mit vngestüm vnd wü-
terey zü vnnser fräwen ins Grünen tal / gen Felbach/ in
Sinsbach / gen Ach / gen Eynsidlen/ gen Regenspurg/
auch ander vnsrer fräwen der on zal in Schwaben/ vnd

Wallfarte



der Heylgen.

ändern landen. Wer ist doch der anheber vñ stiftter dises lasters/dañ wie oben angezeigt/der Teüffel: Was ist die frucht dises lauffens: Sich belustigen mit langbegerter liebin/die junckfrawen zù beflecken / verderbnus junger gesellen/befleckung der Tempel gottes/vnd chrisſenlichē er seelen. Was waltest du doch zù S. Jacob: was suchst du bey vnnser frawen: iren keiner von den beyden ist gott. Gott hatt dir gebotten/das du yn lieb habest/dz du in yn glaubest. Christus zeüchte dich zù ym mit ganzē süssen anreiyzungen/sprechend. Kumpet zù mir alle die ir arbeiten vnd beschwärte seind/vnd ich wil euch erquicken. Dü mir sagt er/nit zù sanct Jacob/oder anderßwa hin. S. Jacob ist kein got/mag euch nit helffen. Ich bins/sagt er durch Esaiam/der vßflescht ewer sünd / der ich euch mit meine blüt vnnod tod erkaufft hab / ich bitt für euch. Kumpet zù mir/entsetzt vnd fürcht euch nit. Wen ich euch nit hören wolt/so wer ich nit von ewert willten an das Creutz gange . warumb fleucht ic mich : ich hass euch nit. kumpet trostlich vnd recklich zù mir.

Was sollen wir aber halten von den wunderzeichen so geschehē bey den begrebnissen der heilgen: Ich sag das mit vertrawen/das kein wunderzeichen von Heilgen / so gestorben geschehen mügen. So aber etlich geschehē/haben sye iren v̄sprung auf würckung vñ stiftung des teüfels. da mit er die hertzen der einfältigen verwickler. vff dz sye mer den Heilgen/dann dem warhaftigen lebendigen einigen beschützer vnd vñserm helffer vertrawen/ in welchem doch allein ist vñser heyl vnd hoffnung/vñnd in keinem andern Heilgen.

Vnd ob schon mirackel vnd wunderzeichen / bey der märtter vñnd heylgen begrebnüs geschehen/werden sye doch nit auf erlangung der heilge / sünd darumb/das

Matt. xi.

Esa. xlviij.

wunder-
zeiche der
heiligen.

f. iij.

Von anrüffung

gott anzeügt sein gross lieb die er hat zu den liebē heilge
Darum müss man nit also beschlüsslich reden/ gott der
würck wunderzeichen bey seiner Heilgen begrebnüs/da
rum sol man sye anrüffen. Sunder das würt nötig das
us volgen / das sollichs darumb geschehe / das gott wil
anzeügen/wie ganz inniglich er seine Heilgen liebe. Ja
gott gibt mit sollichem weg zuernemē/wie güting er sich
seinen lieben Heylgen erzeugt/vnnd denen / die mit dem
fleysch etwan gleich wie wir heüt beschwärt waren. Vn
darumb ist sollich falsche meynung von gott weit zuer
werffen/als ob er einer were/ der vns nit wolt annemen/
mer über vns sein zorn/dann sensfmütigkeit vnnd barm
hertzigkeit aufgiessen.

Der ewig gott hat sich den Heilge/ do sye noch mit irē
leib vff erden ellend/vnd im glaubē wandreten/also holz
selig/sensfmütig/gütig vnd barmhertzig erzeugt/das er
solchs auch nach irem Tod bezeugt/in den wunderzeich
en/so sye annders warhaftig erfunden. Als dann ist vñ
leicht nit ring zu achten von dem öl / so vñ dem grab
der heilgen juncckrawen sanct Katherinen vñ dem berg
Synai miltiglich(alas man sagt) außer fleüst. Darumb
sollen wir vns nit fürchten zu ym zegon.Dan es ist künf
tig/dz er vns gleich wie seine Heilgen gewest/auch barm
hertzig/gütig vnd milt sein wöll. Allein ligis dar an/das
wir yn nit von vns koren . wan solichs von seinen heilge
auch nit geschehen.

Das man aber anrüfft die heilgen / vff das sye vns zu
hilff kumen/ vñser zeitlich sachen hanthaben / ist ein sol
liche gottlose miss handlung / dz sye ein menschlich herz
schwerlich ergründen mag . Wolt gott das die chrusen
lichen fürsten vnd herren hye wacheten vnd ein vff sehn
hetten/die Abgötter zerstörten/durch welche die mensche

der Heylgen.

so gar ferr von der warheit abgefüt w提醒. Aber die ihes
nen so heut zutag soltend das vßherwelt volck Christi/in
glauben vnd warheit vnderweisen/die walfarten verbiet
ten (als da seind bischöff / pfarrer / pfaffen vnd münch)
die lernents vñ vßenthaltens am fürnemsten/vimb keiner
ander vßsach willen/dan iren buch zeitlich daruon zu mö
sten vñ zu pflanzen. Daruß fliessen auch Brüderschaffte Büder
schafften.
der heilgen junckfrawen Marien/sanc Annen/sanc Se
bastian vnnnd annderer vnzalbarlicher . glichsam wer nit
gnüg/ein einige vnd warhaftige aller Christen menschē
brüderschafft . von welcher geschriven. Tempt war wie
güt vnd lustlich ist/das die brüder eintrechtlich beyeinan
der wonen. Ist nit von nötten/andere erdichte vñ apostyl
liche brüderschafften von münchen vnnnd pfaffen vßge
richt ersuchen. Welcher ein andere sucht / dan die darein
er durch den Tauff vnd glauben geschriven vnd gezeich
net ist/der verschmähte Christum/vnd vernicht sein testa
ment/eert die abgötter/bettet sye an / die er ym auf solche
heilge errichtet. Es ist sich zu erbarmē/dz heut zutag in so
vil sectē oð ordē/ ja abgötterey zertrenner ist die christeheit.
Dan so wir mit christenlichē herze die sach anschauen/
habē wir keinen vndscheid von den Römern etwa heyde
welche mancherley götzen oð götter gütes vñ böses zu
stands eerte.die güte/dz sye ynen hilflich.die bösen/ dz sye
ynen nit schadē würden. Die bischöff hand nicht in ache
vñ hüt die armē seelē & christē/ sunð den heilge pfennig/
vñ ire buch/ welche ob sye in bekümen es sey auf anrüffe
ung vñ walfart zu den Heylgen/ oð auf verderpnus des
euangelij/mit recht oð vnrecht/seind sye doch zu aller zeit
vßs angenehmst. Die pfarrhern fürchten irer kuchin. Dan
wo anrüffung der heilgen nit in der geschrift gegründt/
so zerfallen vnnnd abgond Messen von Heylgen gestift/

Ps. xxxii

Von anrüssung

verderben die brüderschafften / werden zerbrochen die patrocinia vñ kirchweyhungen. Hye stond vest ic Bischoff / pfaffen / vnd munich / vñ strebt mit möglichem fleiß dar wider / das ic nit vertreibē laſt anrüssung d heilgen. sunſt würde ewer seckel vnd buch zü nützlig vñ verderben.

Damit hab ich nun gnügsam / meins beduncken / mit etlichen der heilgen schrift orten bewert vñnd offenbart / wie Christus allein vnser mitler / fürsprecher vñ fürbitter sey. vnd wie man allein gott / vñ nit die heilgen so in gott zuwen / anrüssen sol. Nun fürbaß erfordert die sach vñnd handlung / wie oben angezeigt / die argument vñd anzeigung Baltassar Sattlers pfarrhers zü Eßelingen / mit den er sich besessen zü beweren / anrüssung der Heilgen / vnd d̄ öffentlich an der Cantzel vor aller meniglich / dat geben vñ ans liecht bringen. damit man klarlich erkenne mag / die leſterung / mit welchem er befleckt / gefelscht / vñ geunreyndt die heylig schrift. Wil also züm erste seine argument setzen. vñnd darnach darauff mein antwort vñ irer niderlag.

Das erst argument.

I Ich hab euch noch vil zü sagen / ic kündts aber yetzunt nit tragen. weñ aber würt kumen der geist der warheit / d würt euch lere alle warheit. dañ er würt nit redē von ym selbst. So nun die Kirch geirzt in anrüssung der Heilgen / so hat Christus nit gnüg gethon seiner zü sag / dō er gesagt wie er schicken werd den troſter der da lere alle warheit. Aber die Kirch mag nit irren / sittenmal sye durch den heilgen geist geregiert würt. spricht Satler.

Das ander argument.

II Job am fünften. Ber dich zü einem heilgen. Ob welchem er probiert / die anrüssung der Heilgen.

Das drit argument.

III Do Abimelech d König / het Abraham sein haußfrau

Gen. xx.



der Heilgen.

wen oder gemahel Saran engogē/hat gott dem Rūnig
gebotten / widerumb zū überantwurten das weib irem
mañ/vnd er würde für yn bitten.dān er wer ein prophet.
vñ er würde also leben.Nun volgt (wie d Satler anzeigt)
Abraham hat gebetten für Abimelech / darumb sol man
die heilgen anrüssen ic.

Das vierd argument.

Gott hat wolthon vnd groß gūthāt erzeigt Isaac vnd III
seine somen vmb Abrahams willē. drumb sol man Abra Ge.xxvi.
ham vnd andere heilgen anrüssen. Dann Abraham was
vor langs gestorben do gott solichs versprach.

Das fünft argument.

Im andern büch der Machabeer / stet geschriben von V
Hieremias also. Diser ist der seer bittet für das volck vñ die ij.Macha.
ganze heylig statt/ein liebhaber d brüder vñ volcks Isra xv.
hel. Diser prophet was vor langs gestorbē/vñ bitt doch.
auf sollichem bewert er abermals/anrüssung d Heilgen.

Das sechst argument.

Machend euch freünd von dem bößen vn fertigē güt. VI
vff das so ir frantz vnd eüwer krafft entsetzt werden / sye
euch nemen in den ewigen tabernackel.Luce am xvij.Die
freünd seind die Heilgen so für vns bitten / vnnnd die wir
auch anrüssen. als dān D. Baltassar sagt.

Das sibent argument.

Ire engel sehen das antlit meines vatters.vñ diesem sol VII
volgen/wie sye anzeygen / die heiligen sehens auch/ dars Mat.xvij
umb bitten sye für vns.

Das acht argument.

So das haubt für vns bittet/ warumb solten dann die VIII
glyd auch nit für vns bitten:

Das neündt argument.

Rüwent noch ein kleine zeit / bis erfüllt werden ir mit IX
Apost. vi.

Von anrüssung

gesellē/vn̄ brüder die noch müssen getōtē werdē. So sye nun vnser brüder seind / so bitte sye auch für vns/vn̄ wir mügen sye wol anrüssen. Das zehendt argument.

x Vnd ob wir nun gantz kein geschrifft hetten/so der heil gen anrüssung bewerben / wer der lang gebruch von chris tenlicher kirchen vil jar gehaltē/mit grossem fleiß gnügsam anzunemen. wie auch nit vergebens die Letanien/oß anrüssung der Neylgen vffgesetzt vnd gebotten. wan̄ sye für vns bitte mögen ic. Nun volgend hernach yezum angezeigter argument / so sich d̄ pfarrher gebrucht/vfflo sung/vnd vernichtigung eines yeden in sunderheit.

Vernichtigung des ersten arguments.

Anfenglich sagstu Baltassar/das die kirch nit geynt hab/in angezeugter anrüssung . dweil sie der heilig geist alle warheit gelert hat . Ich mag mich nit gnügsam verwundern / so ich dein grosse grobkeit bey mir betracht. Düm ersten/wan̄ ich von dir würd erforschen vn̄ fragen/ was doch die kirch were: würdestu mir antwurten/nach aller sophisten meynung/Der Babst mit den seinen. Vm föllicher vrsach willen setz ich zwo kirchen. Die erst Chri stlich. Die ander Bäpstlich. Christenliche kirch ist/ die Christum hat ein einigs haubt . vnd dys kirch ist ein teür rer vnd edler leichnam Christi/ wen̄ sye schon were in vff gang/nidergang/mittentag oder mitternacht/die (sprich ich) so durch das euangelium vnd wort gottes geregiert/ lebt/vnd behalten würt. Diese kirch mag nit mit leibliche oder fleischlichen augen gesehē werdē/ sye ist nit geschem pert oß verbutzt/reit nit vff grossen pferden/sitzt auch nit vff muleseln kostlich gezyert vn̄ vßgebutzt / ist an kein gewiss ort gebunden/sunder wa der tauffvn̄ dz wohhaftig gottes wort verkündt vn̄ darnach gelobt würt/da ist diese kirch. Und dweil solliche durch dz wort gottes geregiert/

Christlich
kirch.

der Heilgen.

mag sye nit yrien. Wa sye aber mit dem wort gottes ver/
lassen/müss sie yrgan. Aber die Römis ch oder bāpstlich
Kirch ist / welche den bapst zum haubt hat. deren gelyder
seind die Cardinal/Bischöf/münch vñ pfaffen/der wei
bisch leib des Antichrist. Solich Kirch dweil sye sich ein
richter macht über das wort gottes/versetzt das nach ire
gefalle / yrret sye alzeit on vnderloß. Disse würt nit durch
das wort gottes vnd den heilgen geist / sunder durch den
schrein vñ vorbehaltung des aller heiligsten hertzens/so
der Bapst in ym hat/geregiert.vñ gehanthabt/durch vff
satzung vñ new erfindung/ vom lästerer dem Teuffel er-
dacht. Wölche nit würdig ein kirch / sunder ein synagog
des Teuffels genant/vñ die groß Babylonisch hür/mut
welcher zühalten vñ bübery treibē alle ynwohner d erden.
Dise synagog vñ hür/ dweil sye schwecht vnd schmächt
die euangelisch warheit/wie mag sye nit yrien:Durch ire
fusse wort vñ betryegen/fallen mit hussen in yrthum/vñ
werden betrogen alle hungerige vñ dürstige seelen/vnder
der gestalt verkündigung d wort gottes. Alles was in di
ser synagog geschicht/geer mit lystigkeit zu/vnder dem nā
men Christi/vñ d zwelfbotten Peters vñ Pauls. Sunst
würd die krā(wie dañ dein sprüchwort) nach dem sye be
raubt irer federn/selbst lachē. Und nun sollich bübery vñ
schalkeit durch eñ menschē gottes herfürher bracht also
starck vñ heftig/ d sye in kurtzē zeitē durch den geist got
tes (als ich hoff) vertilgt werde. Amen. Diser teuffelische
synagog yrthum würt auf der heilge schrift vermerkt/
welche dañ all ding bewert/richt alle ding vñ würt doch
vō nyemant gericht/ist allein vnstrefflich vñ vnüberwint
lich. Ist auch nicht daran gelegē/dz vil heylge gelebt/vñ
noch vil in diser synagog leben. gott mag die seinē vñ vñ
erweltē in mittel des glūwigē vñ heissen offens behalten.

Römis ch
kirch.

Rom ein
synagog
des teuffels

M. Luth.

g n

Von anruffung

Berümpst dich auch du vnnützer schwetzer/wie du gern
mit Augustino / Hieronymo / auch mit anderen heilgen
vättern wöllest yr gon. Würff ich dir für den christlich
en vnd warhaftigen spruch/so geredt vnd gemelt der er
sam vnd weyß Burgermeister zu Esselingen mein güns
ger herr. So vnser elter vñ vorfarer ein schlüpfferigen vñ
ruhen weg gangen seind/warumb wolte wir nit ein eben
en vnnnd glychen weg/ so der vnnis heit würd angezeigt/
wandlen: So du nun hye murdest sprechen. So hör ich
wol auf solchē redē d̄z die heilge vätter seind in schlupfe
rigem weg gewandelt/vnnnd nit im ebenen vnnnd rechten.
Antwurt ich dir/wie sye nit in allen/sund etlichen dingē
geyrirt/ vnnnd aber nit mit eigensynnigem hardtneigem
kopff in irem wesen verharit bliben. Dañ so sye yemants
durch geschrifft vnnderricht / hettent sollichs nit ver
schmächt/sunder freuntlich angenommen. Ir yrthung ist
gütig vnd gotthaftig gewesen/ so er durch glauben vnd
liebe gegen gott vnnnd dem nechsten aufgelescht ist. Über
Sattler/so du auf deinem tollē kopff dir treum erdenckſt/
yrrescu schentlich vnd gottloſig/ nimpft d̄ heilge schrifft
ir krafft vnd macht/wilt nit vnderwisen werde/wilt auch
nit sein ein vngelerter Doctor/dweyl du ym doch nit ent
gon magst. Berümpst dich/wie du wöllest mit Augusti
no vnd Hieronymo yrren. Hastu nit gelesen die widerüs
fungen Augustini / so er durch lange übung vnd erfaren
der heilgen schrifft / nit recht gefunden / widerüsst hat:
Sich was schreibt er zu sanct Hieronymo: das die heilig
schrifft allein on yrthum sey. Das er menschē schrifft ob
leer/wie heilig die seind nit wöll annemen/es werde dañ
sollichs mit glaubwürdigen Biblischen schrifften vnnnd
leeren genzlich bewert vñ anzeigt. Das er auch wöll/vö
keinem/seiner ler gelaubt werde/ so er in yrthum befunde

Hans bol
derman.

Augusti
nus von d
beyligen
schrift.

der Heilgen.

würt. Was wilstu dann/o grober sophist/mit Augustino
vnd andern heilgen vätern yrren: Wo här bist du doch
so kyen/das du sprichst/d heylgen anrüssen auf dem heil
gen geist geslossen / vnd felschest die wort Christi durch
Johannem gesagt/ Der heilig geist würt euch leren alle Io.xvi.
warheit: Würt nit reden auf ym selbst. Der heilig geist
redt vnd lernet nit das wider die wort Christi ist. Lieber
halt disen worten entgegen die wort Christi Jo.am.viiij.
Ein andern tröster den heylge geist werd ich euch schickē
der euch widerumb erinnern vnd zu gedechnis würt
bringen alles was ich euch gesagt hab. Nye sychstu/das
der heilig geist wil lernen was Christus vorgesagt hat.
So ich dir schon nach lass / das die anrüssung auf dem
heilgen geist entsprungē sey/sag mir/ an welchem ort der
Bibliē oder heylgen schrifft es beschrieben oß bewert sey:
Aber du magst nit ein einigs ort anzeigen/sunder was du
bist anzeigen vñ darthün / ist alles auf dem dollen kopff
mit dem har zu deiner meynung gezogen vñ gezwungen.
Düm letzten bekenstu/vnd das auch recht/wie man die
heylgen nit sol anrüssen das sye vns behilflich seyē/ sun-
der das sye für vns bitten. Ist aber nit also/ das die syna^{,,}
gog des Teuffels vnd die Bäbstlich Babylon / bitz här^{,,}
die heilgen anrüss vnd eere/ vff das sye von yn vom feür/
pestilenz/fallenden sücht/cod/vnd der hell erlöset vnd be-
schirmet werden: Du magst nit leügnen. Seitenmal dei-
ne Doctores ertichten mancherley Heilgen mit selzamen
ämpfern vñ wesen vns hilflich zu sein vō gott begnadet.
Du weist auch das sprichwort / mein früher Baltassar/
das ein lügner sol güter gedechniß sein. Hast nun geredt
vñ gelert/wie die kirch nit geyrit hab im anrussen d Heyl-
gen/vnd widerumb sagstu öffentlich/das man die heylge
nit als die vns etwas gebē mügen/solle anrussen. Seind

g iii.

Von anrüssung

aber nun biss vff den heütigē tag in sölcher meynung an
gerüfft wordē. Drum sag ich vß deinen eygnē worten vnd
vreyl/das die Römischt Kirch (als du sye nennest) mit yu
chum vñ falscheit sey verwückelt. dz du doch nit hast wöl
le zulassen. Wer/die heilge/sprichstu/seind anzürussen nit
dz sye vns etwas mügē helffen / oð saligkeit gebē/sunder
dz sye für vns bitten . Du weist fürwar nit was du redst/
so du dich selbs wie ein vngeschickter nit versteest . Lieber
sag/ists nit also / wan die heilgen deiner meynung nach/
für vns bitten / mügen sye auch vns helffen/also dz durch
irs gebets mittel vns heyl/ vnd seligkeit zugeschrückt werd:
Wan du nun sprichst/ das die heilgen vns nit helffen/so
hilfft vns Christus auch nit/ oð doch täglich für vns bitt.
dweil doch mit unterscheid vff beyden siten ein ampt im
bitten ist. Drumb volgt auf deinem argumentu/ dz die kir/
chen geyrt hab/ auch dz man die heilge sol anrüssen / vñ
nit anrüssen. Zum letzsten/ dz Christi furbitt vns nit nütz
sey. Dañ was durffen wir seiner furbitt : dweil sollichs
durch die heilge außgericht würt . Ach gott/wierreibstu
so gar vnnütz geschwetz. Bewerstu also dein anrüssung:
Glicher mass sollen fallē alle so oð warheit widersprechē
wie du. darnach wider von gott berüfft zum rechten weg
der warheit bekert. Damit ist darnider gelegt dein erst ar/
gument von anrüssung der heilgen.

Vernichtigung des andern arguments.

Das du anzeigenst als man lißt Job am fünftē/ Ker dich
etwo zu einer heilge. thüstu nach deiner weis on allen ver/
standt. merckst nit/ wes die wort seind/oð auf w̄r vñsach
die gerett seyen. Hör vñ merck ich wil dirs sage. Eliphias
Themanites ein freund Job/hat in vorigen capiteln den
frünen man Job gestrafft/als eine oð andere gelert dulig
zu sein/vñ er yetzund / als ein verdienter sollicher plagen



der Heilgen.

vnnd pein/yn selbs nit lere, sagt auch / wie gott straff die
würker d bosheit/vn nit die vnschuldige,vñ welchem ist
 klar/dz er gewölt hat/wie Job so mit grossen sündē betra-
 den/sölich schwer plag verdient hab. Vn nach vil anden
 wortē volgt,rüff doch ob yemants sey d dir antwurt geb
 vn ker dich etwo zü einer heilgen. Als wölt er sprechē. Lie-
 ber/wiltu ands/ sych ob du von etwan mögest ein rechte
 vnd weysung lernē/vn ker dich zü einer heilge von dem du
 mügest gedultig werde. In hebreischer zunge an disē ort
 Job/so wir lesen/zü einem heilge/ ist ein wortlin mikod-
 schim/bedeut(wie dañ d. Reuchlin anzeiigt)absünderung
 od weyhüg. Nun seind wir all sampt geweycht/vn abge-
 sündert durch den glaubē vn tauff vō alle andn menschē.
 Ab gesündete od vff hebreisch kedoschim waren zün zeitē
 Jobs,vn er wz auch selbst mit denē so mit ym in dē weg
 gotes gewädelt/vn gott geglaubet/ auch noch glaubtent.
 Darumb verstat Eliphias Themanites nit die gestorben
 heylge/sund gotzfürchtig mēschē in rechter leer gwaltig.
 Ich geschwig auch/dz man zür zeitē Job nichts gewisst
 hab vō solcher anrüffung d heilge/do wir christē mit vñ
 gon. Aber wan ich dir schō zulass/dz Eliphias die heilge
 so mit tod abgstorbe seind/meyne/dz er doch nit wil/so ist
 noch nit dein meynüg vn fürnemē zü bewerē. dweil Job
 alzeit Eliphe vñ dē andn freündē wißspricht/nach disen
 wortē am vj. cap. vñ darnach sunderlich am. vvj. sprech-
 end. Ir alle seind verdrüfliche vnnd schwere tröster.wan
 werdēt ewere wort / die dañ nichts anders dañ ein wind
 seind/schier ein end haben:od hastu ein verdruss ab mir:
 ich künd auch solche wort gegē euch treibē. Also ist kundi-
 ch d Eliphias dē frünen Job mit ein güte rat hat gebē.
 wie dañ Doctor Baltassar begegnet nider ligen/vnd vñ-
 dern gul gereit werden.Nun zum dritten argument.

D. Reueb
lin.

Von anrüssung

Vernichtigung des dritten arguments.

Niemant zweyfelt / das Abraham für Abimelech gott
Gebetten hab/wie die schrift vßwiset/ sunder dein eyngew-
rung vnd volg aufs söllichen worten thüt mich bestrem-
den. dann er lebt noch zu der zeit / vnd was nit abge-
storbe. Nun so Abraham do er lebt mocht für Abimelech
bitten/vil mer mag er sollichs so er gestorben. wan er yetz
unt einer grösserer volumnenheit ist/ dañ so er noch im le-
ben was. Nun lass ich zu fürbitting von den lebendigen/
wie du alweg von mir gehörst hast. Das du aber von den
gestorbnen vñ die yetzund in Gott rüwend geredt oder ge-
sprochen hast / mag ich dir nit gestatten. auf diser vrsach.
Was auf keinem grund/gebott/ oð exempel in der heyl-
gen schrift anzeigt würt/sol man nit für warheit lernen/
bewerben/oder nachzuolgen. Dweil nun die heilige schrift
nit anzeigt / gebeut noch exampel in ir helt von söllicher
anrüssung. warumb wollt ich dañ dein argumentyung
oder bewerung zulassen. Die schrift setzt vns allein Gott
vnd seinen sun für / keinen heilgen. vß welchem ich dann
nicht acht dein vrsach ob du schon für dich nimpft bewe-
rung auf dem vngewissen vnd vnbiblischen dem andern
büch Machabeorum. Warumb gon wir nit mit ganzer
De. xxvij
Gal. iij.
vertrauen zu dem der vns ermant/anreyst vnd gebeut zu
ym zu kummen: Christus hat vns alle sampt erlöst von der
verfluchtung des gesetz / vnd für vns ein vermaledeyung
vnd verfluchtung worden. ist für vns ans Creutz geschla-
gen. wie dañ von ym geschriben. Verflucht ist ein jeglich
er der do hangt am holtz. Disß alles hat vns Christus ge-
ben / das wir ewiglich ein gewiss zeichen hetten seiner
grossen liebe/vñ gütwilligkeit/ so er gegen vns getragen.
Er ist allein unsrer mittler/versünder vnd fürbutter. Christus
verschmäht die nit / welche er heisst zu ym kummen.



der Heylgen.

Veracht auch die nit für welche er sich geben hatt ein er^s j.Tim.ij.
lösung. Unser Christus verschmächt dein bitt vnd beger
nit/dwil er gesprochen hat. Bittend so würts euch gege^r Matt.vij
ben. Und weiter. Was ic bittend den vatter in meinē hä^s Ioan.xiiij.
men/würt er euchs geben. Christus ist darumb versücht
vnd probiert worden in allen dingē nach der menscheit/
wie dañ die epistel zun Hebreern aufweist/das er möchte
ein mitlidē mit vns tragē. Dazu soll man auch nit sprech Argumēt.
en/die heilgen seind yetzund selig/seind entgangen der ge
fährlichkeit diser welt/seind yetzunt on sünd vnd vnbesleckt.
vnd wir die noch leben/schweben mitten im mor mit al
len sünden beladen vnd beschwārt. darumb wil gott vil
lieber hören das rein gebett der Heylgen / dann vnnser.

Nun dz die heilgen seind kūnen auf gefährlichkeit/ist ganz Antwirt.
gewiss. Das sye aber ganz vnd volkūnen selig seyen/ist
nit gewiss. sitenmal sye noch nit vfferweckt/vnd den lon/
ein yegklicher nach seiner trewen arbeit noch nit entpfan
gen hat. Das sye aber yetzund vnbesleckt seind/ wer zweis
felt daran: Und was sagstu/das wir seind arme sünden/
darumb vns gott nit wöll erhören/vnd vß sollichem vns
von nöten der heilgen anrüssen/hilff vñ bitt: Sunder die
gott nit erhören will/seind die an ym verzweiflet vñ in yn
nit glaubent das er yn wöll gnädig sein/ vnd fallen von
einer sünd in die andern/begeren nit gnad dz sye möchten
von item bösen leben abstön. wen̄ wir aber vns für sün,
der erkennen/vor den selbigen erschrecken / als dañ sollen
wir trostlich zu Christo vnd gott gon/ym vñser anlichen
klagen, wan̄ er allein kūnen sollich sünden selig zemachē. j.Timo.j.
wie er dañ selbst spricht. Under ist vil vnbesleckter vñ reu^r Matt. ix.
ner/dañ alle heilge. der auch nie kein sünd gethon/in des j.Petri.ij.
mund kein betrug ye erfundē. er ist vñser heiligmachung/
rechtfertigung/vnd erlösung/von welchs volkūnenheit

b

Von anrüssung

Iohan. j.

wir alle genuinen hand. Welchen Christum gott der vater allein gern hört/ vñ in seinem namen vnser gebett/ als von vns armen sündern / gern annimpt. Er ist auch der Christus vnser gnügsamer fürbitter/ bedarff nit einer andren schar die sollich ampt verweße. Christus mit seinem vatter sycht in vnserē hertzē ee daß wir bitte/wir bedürfft en nit andere die sollich vnser gebett fürtragen vnd anzeygen/glicherweise als geschicht in menschliche régiment/ vnd administration an fürsten/herzen/vnd sunst gewaltigen höffen. Laßt vns die lieben heilgen rüwen / vnd vns zu dem lauffen der vnser gnaden thron ist. Wie bitten sye/ so sye noch nit wie Christus vfferweckt seind: vnd ob sye schon ettlicher massen fürtretten / daruß sol man doch nit ein gebott der anrüssung fürtragen. Ist auch nit wunder/ das die Bäpflich kirch geyrt (wiewol den rechtgläubigen söllicher yrthumb nit geschadet) welche so lange zeit här (das grusam zu sagen ist) vnser gewissen mit gezwungen beycht vnd gnügthün/mit bestumptem vassen/vnd unchristenlicher weis genötigt hat / mit kauffmanschafften des ablas / mit welchē sye ganz teutsch nation schent lich hat aufzgefischet/vñ vil andern färlichern stücke wie am tag. Würt auch heut zu tag/leyder/gott geschnächt/ vnd sein heilger nam/ in der eer vnd anbetung seiner lieben heilge. So vil seind bey vnsern zeite fremde götter/ als vil die Römissh synagog heilgen hat in irem Catalogo oger register darinn die heilgen begriffen. Ach wie vil fauler vñ vngelerter / die nit wissen das wort gottes/von der sect der Anthioniter/Valeintiner/ vnd vil anderer/lebē im sauf vnd werden wol gemöst nit iren hüren/ vñ bey hilff söllicher götter. Die selbigen seelbetryger vnd verfürer / predigē vor dem gemeynen man vñ armen bauleute/ wie sye die heylgen mügen beschützen vor wasser/ few/

Geyynd
geltſucht der
Römisches
kirchen.

K

der Heylgen.

pestilentz/vnd allem übel/vnd abwenden alle sucht vnd
krankheit. Darnach wan sye durch ir schneychlen den
seckel gefüllt haben/ligen sye im lüder/im spyel/vn treibē
alle bübery mit iren dyernen/vnangesehen schäm schand
vnd ergernüss des armen volcks. Welchem so gott ein
loblich schar kinder beschert/dz er billicher sollichen kin-
dern solt mit teylen/oder sunst bresthaftigen/oder hauff-
armen eelichē leütten/gebent sye es so grossen vnuerscham-
pten büben/von ynen schäntlich betrogē. S. Anthoniūs
will nit/das wir yn bemühen/anrüssen/oder etwas von
ym begeren/sunder will/dz vnser hilffsey im namen des
herren.wie dañ der ganz psalter lautet/vnd sunderlich
Dauid im gesang graduum/schön lernet. Ich hab vffges Psal.cxx.
haben meine augen zu den bergen/von wānen würt mir
hilff kūmen: Mein hilff(sagt er)ist vom herren der himel
vnd erd geschaffen hat. Nit von vnser frawen/nit von S.
Añen/Valentin/Anthony/Augustin/noch einigē heilge.
Was sagent ir hye du Franciscaner münchen mit dem pfar-
rer Jörgen: Müss ich noch dulden ewer distinction/
oder teylung/also sprechend. Die selig juncfraw Maria
ist anzurüffen gleich wie ander heilgen/nit als ein gegen-
wurff/sund als die so von gott sollichs entpfangē hab:
Das ist so vil geredt.man sol die juncfraw Mariam vnd
andre heilge nit anrüssen als ob sye weren die so vns von
ynen selbst möchten zu hilff kūmen/oder etwas geben/
sunnder als die denen es von gott gegeben/das sye vns
mögen mitteylen auch was vnser beger ist/vn das vmb
gott erlangen.Wiltu die schrift also schenden/mit deiner
groben sophistischen zerteylung:Vnd du Satler zu Eß-
lingen spalteft gar nach oder schier wie der münchen deine
red/das die juncfraw vnd ander heilgen nit seyen anzurüffen
das sye vns helffen/sunder das sye für vns bitten.

h ii

Von anruffung

Nye verste vnd merck / dein antwurt weit übertreffen
dero büben bosheit die kauffmanschatz vñ trāmery aus
den heilgen machen . Dañ solchs seind nit heilge/sunder
abgötter/vñ alle dise betiegery ist nichts anders dañ ab/
göttery . Ich sag dir danc / diewil du solichs christenlich
erkennt hast . Aber das du noch schryest / wie man die heil/
gen sol anrüssen/das sye für vns bittē/bedunckt mich du
yrrest noch meer . das vñ vorerzelten vrsachen/vñ dazu vñ
dein eygen worten klar ist . dweil doch das für vns bitten/
auch ein hilff ist . Dañ so die Neylgen für vns bitten/hel/
fent sye vns mit irē gebett . Aber David singt in geistlich/
er frolockung also . Mein hilff ist vom herrē/ nit von heil/
gen . Vnnd was volgt hernach : Nit würt er geben zu be/
wegung deinen füß / schlafst auch nit der dich bewart .
Nempt war er würt nit entnuffzen noch schlaffen/der do
behütet Israhel . Was sagt doch anders diser ganger
psalm/dañ gott allein vnsfern bewarer sein/ das er vns be/
halten wöll/so wir schlaffen oder machē/ vnd das er wil
bey vnnus sein es gee vns wol oder übel / so ferr wir in yn
hoffen vñ ym vertruwent . Diser einiger psalm wer gnüg
züuerstören die abgötterey vñ falsche meynung gegen den
Neylgen / wen nit so vil ander ort der heilgen schrift sol/
lichs auch nider druckten . Du zeüchst auch herfür die Le/
tanien / oder Creützeng / so vom Bapst Gregorio dem
grossen vffgesatzt/ welche im chistenlichen kreiss/ sunder/
lich vnd fürnemlich in Teutschter nation gehalten würt/
da man alle heilgen anrüssst . gleich als hett er nit mögen
yeren . so er doch offt gestrucht vnd geyrzt/ vnd die schrift
nit so rein außgelegt hat . Ich verwürff die Creutzfert nit
wa man die heilgen züfriden lässt / vnd die Christelich
kirch in einer yeglicher statt oß dorff versamlet/allein gott
vnd vnsfern seligmacher mit eintrechtingem herzen vnd

Psal.cxx.

Letanien
Gregorij.

15

der Neylgen.

mund bittet/das er enthalt vnd erleucht mit dem geist sei
nes munds die ganze gemeyn Christenlich kirch/vn sich
d armen sünden erbarme/teyle vns mit vnser täglich brot
vn narung/beschirme sein kirch nach seim göttliche wil
len vor allem übel/beyd des leybs / vn sunderlich d seele.
Sölche bitt vnd Creützeng wolt gott das sye von allen
Christen menschen täglich gescheen.wie sye dañ von alle
innerlich von gott geliebte volbracht werde. Und dz ich
dir ein end mach/du magst hye wol sehe lieber Baltassar
wie du mit disem argument gar nichz geschafft hast.

Vernichtigung des vierden arguments.

Gott d vatter hat Isaac gütthät bewisen vñ Abraham
seines vatters willen/vn hat gebenedeyt seinen somē/ da
rumb das Abraham seiner stym ist gehorsam gewest. Vß
disen worten machstu solliche volgung das man die heil
gen soll anrüffen. Würdig werest du/hetist auch föllichs
wol verdient/ dz du mit deinen eygnen farbē gemalt wü
rest. aber Christus verbeuts. Hör zu. Alle so Christo ge
trawen vnd warhaftig in yn glauben/seind kinder Abra
hams.weil Christus sein sün ist/ vnd der selbig einig so
men in dem alle menschen gebenedeyt werde. vñ gott der
erzeygt nit allein gütthät Isaac vmb Abrahams willen/
sunder auch der ganzē welt/bitz zu irem end. Was ist die
vrsach: Das er erfüll den eyd so er Abraham geschwore,
auch das er ist seiner stym gehorsam gewest. Nun frag ich
dich/ was ist dz für ein außfolgung/ probier oder bewer
Gott der benedeyt Isaac vñ seinen somen/ vmb seins vat
ters Abrahams willen/darumb sol man Abraham anrüf
sen: dañ zu der selbigen zeit was Abraham lang vor ge
storben. Also grob bistu / das du gar nichts verstast oder
verstigest / vnd wilt doch ein Doctor der heilgen schriffe
genannt werden. Hör was ich dir wil sagen. Es ist ganz

h iii

Von anruffung

von nōten/das der angerüfft werd/der vns helffen müg
vnd vns etwo zu einem helffer vnn d erlöser verheissen ist.
Abraham ist vns nit geben noch verheissen zu einem helf
fer.sunder was sagt die schrift: In deinem somen werde
gebenedeyet alle völker . Er spricht nit/in dir/sunder/in
deinem somen.Wer ist der somen: Fürwar Christus.wie
dān vns Paulus lert. In deinem somen(spricht er)welch
er ist Christus . In Christo werden alle völker gebene
deyter.Christus gottes sun ist der/ vñ welchs willen gott
hat Abraham ein eyd geschwore . Vñ vrsach dises somes
seind wir alle kinder Abrahams. In disem somen werden
wir alle gebenedeyet/vnn d erlangen den versöner . Diser
som ist vns geben ein gewiss hilff.darnach zum mittel/er
lösung vnd heyl/nit Abraham.Drumb sol allein der som
gentlich/vnd nit Abraham angerüfft werden. vnn das
gibt klar an tag der ganz.cūn.psalms. Ich erfah nichts in
dir/du armer doctor/dān allein vñweisheit.Welcher ver
nünftiger oder gelerter hat ye ein solliche vngeschickte
torhaffte vnd vngegründte volg gemacht: Gott ist Isaac
genedig gewesen vmb Abrahams willen/drumb sol man
Abraham anruffen . Vil mer hat gott wol gewölt Abra
hams somen/vmb seines eyds willen/nit allein vmb sein
selbs willen.Abraham wer nichts so yn gott nitt heit an
gesehen/nit allein aber yn/sonder auch seinē eyd. Ist auch
kein zweifel daran / das noch heit zutag gott gnedig sey
d ganzen christenheit vñ seiner lieben propheten/zwölf
botten/vnd martrer willen/nit allein von iret wegen/son
der darumb das sye geglaubt seinem wort/ vnd in den ge
botten Christi gelebt.ja mer das sye seinen sun/ vnn die
warheit bekent haben. Wiewol gott sein wort vñ züsga
ung mer ansicht/dān etwo einiche creatur.Es ist gewiss
das gott die seinen liebt/ dz er grosse ding den die yn liebt

Gal. iii.

13

der Heylgen.

habent erzeygt, vnd der halbē ist er nit wenig gnädig der christenheit/vmb seiner lieben heilgē willen/ biss so lang ir zal erfält würt. Aber es volgt noch nur/gott hat wolge thon seiner kirchen/ zum erste vmb Christum seines sūns willen/der selbigē kirchē haubt/darnach vmb der glyder willen/darumb sol man die glyd anrüssen / wie du sagst. Nun kanſt du vnd alle deine blinden fürer wol vernemen mit was stucken ir vmb geen/ vnd wie rein ir die schrifte handlen/ d̄z du vnd auch deins gleichen selbst nit wissen/ wo von ir sagen oder lyegen.

Vernichtigung des fünfften arguments.

Auß dem letzten capitel des andern büchs Machabeorum bringſt du zu markt Hieremiam für das volck bittend/welchs dann ist ein gesycht Jude. Ich mag schwerlich glauben/das du gleichen gewalt vnd glauben gebest den büchern Machabeorum/als andren Biblischen vnd glaubwürdigen. Ich halts darfür/ das du auf neid vnd sunderlichem betrug sollichs angezeigt habest beym gemeynen volck/bey welchem du dich vermeint hast lychtlich es wer glich recht/ oder vnrecht / dein meynung zu beweren. Hast vilicht vermeint / das sollicher dein yrsal nit het mügen vom armen volck/so schentlich verfūrt anzeygt werden. Hett auch gemeynt/ dweil du ein doctor bist/sollchs dir nit vnywyssent gewest. So du aber sollchs nit weist/wie ich dañ wol merck/ist ein offenbar zeichen deines vnuerstands vnd grobkeit. Darumb wilstu lernen das die bücher d Machabeer/zūuor d̄z ander/ nit gehöre zur zal d glaubwürdigē/so hör den heylgen Hieronymū. Die bücher/spricht er d Machabeer lißt die heilig kirch/ Hierony. hūnpt sye aber nit an/ als ob sye glaubwürdig weren.

Von anruffung

Darnach spricht er weiter also . Das erst büch der Ma
chabeer hab ich nit bey den Hebrewern funden, aber dz an
der ist vff kriechisch weiss gemacht. Vß diser vrsach werd
ich nit zulassen / das du der rechten vnnd glaubhaftigen
schrift/die vngewissen bücher der Machabeer entgegen
setzest/sunderlich an solliche ort so die ganz heilig schrift
entgegen ist.

Vernichtigung des sechsten arguments.

Hie schem ich mich deiner vnzucht vñ deiner vnwissen
heit/mit welcher du die schäflein Christi befielet hast/ in
dem/das du hast außgelegt vnd anzeügt die schrift Luce
am. vvi. wie Christus gebeüt. Macht euch freund von
dem schalkhaftigen güt. da mit wan ir franck werde/sye
euch nemen in ewige tabernackel . Durch die freund ver
fest du die Heilgen so in gott verscheyden.vnd sagest/wie
diss dein meynung ganz vnd gar were/ wie wol man sol
lichs auch anderst möcht verston . Dan do du merckest/
das dein sach vff das höchsts künien was/vñ möchtest
nit weiter behalten/ was es groß von nöten / das du den
reyst nach deinem grobē kopff zwungeſt/das er nicht deſ
nem tollen syn wider were. Glichsam das einem christen
lichen doctor zugehör/ die schrift zu ym byegē vnd zyehē
wo er hyn will. als ob sye ein wechsne nasen hett. Und dz
ich mich gebrauch eins worts des menschen gottes/hör
wie er sagt. Er spricht nit/dz mag also/oder also verstan
den werde/sunder / also müßz es verstanden werden. So
du aber dein rechten verstand nit magst erlangen / so bei
vylhs gott/ vnd übergib dich ym/dz er dich vnderweis/
so du vor bekant hast dein vnwissenheit . vff das du einer
seyest der von gott gelert sey. Ich will nit dein meynung/
will auch nit auf deinem eygne kopff oß hyrn die schrift
auß gelegt werden. Schrift/soltu auch legē oder anzeigen

M.Luther
inn abebū
nung & meß



der Heilgen.

durch schrift.also dz du die andere entgegen habest.sunst
würt d teuffel dein vnd deines schaffs als spotten. Es ist
ein gemeyn sprichwort bey den kriechen / Wer da wasser
übern wein geüft/der hat den wein schon verderbt.Vnd
noch eins disem nit vast vngleich. Wan̄ du ein klar vnn̄d
hell wasser verunsauberst / würtes nit gut zu trincken.
Welche zwey sprichwörlein gehörē dir vnd deins gleich
en zu.Dan̄ ir wendē dē wein ins wasser/so ir die schrift/
welche dan̄ ist ein tranck der seel/mit ewern speychlen ver
wüste vñ verunreynē/also/das sye krafft vnd schmack gar
verlier/damit sye nit mer sey ein scharpfer stral des gewal
tigen. Ir machen das aller höchste wasser d schrift / mit
ewern kat vnd wüst vnsauber vnd trüb/vnd durch ewer
schentliche distinction vñ zerteilung/dazu mit ganz man
cherley ausslegungen/verderbend ir sye so ganz mit einan
der/dz sye nicht mer nutz ist menschlichem bruch/ja keim
christlichen hertzen . Aber wir wöllen sehen den text/
sein inhalt vnn̄d meynung . Unser herz Ihesus Christus
lobt den vngerechten schaffner/welcher do er sah / wie er
würde bald vom ampt gestossen / vnn̄d er nichts anders
wüst noch künde von dem er sich möcht vffenthalten vñ
leben/hat er zusammen gefordert die schuldner seines herre
vnn̄d dem der hundert mass̄ ol schuldig was / hieß er
fünftzig anschreiben. der aber hundert schöffel weyzen
was schuldig / hieß er achtzig anschreiben . vff das so er
etwa würd vom ampt gestossen/würde sye ym auch gne
dig sein. Also thüend ir ym auch/sagt Christus.machend
euch freünd vom schalckhaftigen güt.damit wan̄ ir wer
den krafftloß / sye euch nemen in die ewige tabernackel.
Das wörlein Mamom/bedeut vñ der hebreischen zung/
reichtumb.wie dan̄ David im. pypvñ. psalmen spricht.
Das wenig des gerechten fürtrift weyt die reichtumb

Von anruffung

der gottloſen. Christus hat vns gebotē/ das wir vns
nechſten lieb haben wie vns selbs/den armen zū hilff kū-
men wie wir kūnen vñ mügen. Was helt vns für/gebeut
oð lernet Christus im euangelio Johānis anders dañ die
einige liebe: Paulus wil auch/dz wir arbeiten mit vns
henden/dardurch wir erlangē/dz wir mügen den dürfti-
gen zū hilff kūnen. Und ein yeglich mensch so vff erden
lebt/vnd vns hilff bedürftig/ist vns nächſter/ sol vns
ser freünd sein / wann er gleich vnnser feind were. Würt
auch Christus nüt anders von vns / am jüngsten gericht
fordre/dañ die aller edleſte frucht des glaubens/dz ist die
liebe. Ich bin hügerig gewesen würt er sprechē/vñ ir ha-
bend mich nit gespeiset/vñ dürftig gewesen vñ ir habent
mich nit getrenckt.vñ ande wort/wie im teyt. welchs ab-
wesen d liebe/zeugt an/dz d glaub auch nit vorhandēsey.
K Drumb wan vns Christus gebeut/ dz wir freünd machē
en von bōsen reichtumbē/will er/dz wir vns nechſten
vñ brüder/so bedürftig vns hantreichūg/ym darstreck-
en/vnd also vns freünd machē auf d reichtumb/ die vns
so wir vns krafft beraubt vñ nichts vermüge/in die ewi-
ge tabernackel nemen. Nun mügen ſolche freünd nit/wie
auch kein heilg/vns annemen durch ſich ſelbst. Was wil
dañ Christus mit ſeinen worten: Dz wirs recht verſteen/
ift vns war zünemen das vnsere werck ſo recht geschehen
ſeind frucht des glaubens.vñ d glaub iſt allein die vſach
das vns Gott erkenn. Nun Christus mit ſeine vatter/iſt al-
lein d heer aller ding/welcher vns annimpt. Vñ dweil er
ſagt/was den mynſte von den ſeine gescheheſ ſollichs ym
ſelbst widerfare/ ſo wil Christus nüt ands/dañ dz er vns
ſelbst wil annemē in die ewige tabernackel.dañ er ſicht an
den glauben/d liebe gewürck hat gegē den armē. welchs
dañ Christus anſycht, vñ was d ſelbigē armē menschē



der Heylgen.

die do seind die rechte vñ lebendigē heilgē/vns von gott
befolhen/geschicht/nimpt er als an/glichsam s ym selbs
geschee.Darumb nement vns an sollich freünd/dz ist/sye
seind ein vrsach/dz Christus die nun von ire kressē verlas
sen/vffneme . Sychstu Baltassar/wie gar kein büchstab/
als mir gott helff/erfundē von anrüssung d heilgen.Von
disem orr liß den Luther/ in d Sermō vom vnrechte güt.

Vernichtigung des sybengen arguments.

Die anrüssung der Heilgen wiltu bewerē auf dem teyt
Matth. am. viiiij. Sehent dz ir keinen verschmähent von
den kleinen,dan ire engel sehend allzeit dz anzlit gotts mei-
nes vatters/der im himmel ist. Auf sollichem deim bewerē
gibstu meniglichem züuerston/wie ein vngelerter doctor
du seyest. Hat doch sollicher teyt nichts in ym von anrüs-
fung der heilgen . Die engel der kleinen sehent allzeit das
anzlit gottes / drumb sol man die heilgen anrüssen . Ja
mein pffarrer / solche volgung ist besfikt vom grossen
Palmesel prediger ordēs/ bis vff den Froschen den herr
liche münch heilger schrift verkerer(lerer/solt ich sprech-
en). Nimpst aber sollich vrsach ganz vnbequem für dich.
Die engel sehēt dz angesicht gottes/die heilgē(sprichstu)
sehens auch/drumb sol man sye anrüssen. Lieber Baltas-
sar du hast noch nit bewert / dz die lieben heilgen/yetzune
gleich wie die engel beschawē dz anzlit gottes.Und wan-
es schon wer / sprich ich also . Die engel sol man nit an-
rüssen/darumb die heilgē noch vil minder. Dan solliche
anrüssung/ ist allein gott dem almechtige zugehörig/auf
welchem alt vnser heyl vñ hilff/vnd auch d geist/die vns
dyenen/ dz ist der heilgen engel sorg so gegen vns tragen.
Düm letzten wiltu/dz man engel vnd heilgen sol züglich
anrüssen. Zeig mir diese schrift an/die selbigen forder ich
von dir/vñ die selbig auch glaubwürdig . Welchs so du

Doch dor
palmesel,
doch dor
frosch.

i ii

Von anrüssung

nit magst herfürbringen/ifts am tag dein vnsyñlichkeit.
Vernichtigung des achten arguments.

So du sprichst/dweil dz haubt für vns bitt/so mügets die glyder auch. ist nit von nōten sollichs mit vilen wortē zu verdilcken. dweils doben in aufflösung des dritten arguments gnügsam ist vmbgestossen. Düm ersten ist Chriſtus das haubt/erweckt vnd gen himel vffgestigen/vnnd bitt für vns. Die glyder rüwent noch,vnd wan̄ sye schon erweckt weren/müss man sye darumb nit anrüssen. Dañ die heilig schrift tregt vns allein für die anrüssung vnnd fürbit Christi/ vnd ist mir auch nit wissen in der heilgen schrift das sye yergent leere oder bewere / anrüssung der lieben heilgen.

Vernichtigung des neünden arguments.

So du abermal nit wüsstest wa hinauß / lauffstir zum vngewissen/ vnd vnglaubwirdigen büch Apocalypsim/ welchs zu disem kampff nüt dyenet. Wiewol dein argument/ so du auf Apocalypsi genümen/nichts minders bewert/ daß anrüssung oder fürbit der heylgen. Der teyt hat diſe meynung. Rüwend noch ein kleine zeit/ so lang biß ir mitknecht erfüllt werden/vn̄ ir brüder die do sollen getödt werden. Auf dem lerscu also. Die heilgen seind viſer brüder/drumb sol man sye anrüssen. Allzeit nimpft du auf einem teyt/ so von dir angezogen/ das in keinen weg dariin befundē würt. Also hastu grober Baltassar/ nit ein Körnlin salz in deinen leib. Sūch aber weiter antwort obē in der dritten vñ achten vernichtigung deiner argument.

Vernichtigung des zehenden arguments.

Du sprichst/wie die kirch etlich hundert jar in loblichem bruch geert hab/anrüssung der Heilgen. vnd wann wir gar kein schrift hetten / möchten wir der Kirchen ablein mol vertrauen , das ist dein red , Ich bitt dich lieber



der Heilgen.

Baltassar/hör mir auch ein wenig zu. Das wort macht die kirchen/vn die kirch macht nit das wort. Drum ist das offenbar/dz das wort grösser vnd höher ist dan die kirch. Das disem wort nichis zu / noch von gethon werd hatt gott selbst gebotten.

Dwil du dich aber gründest vff lange zeit / vff die heilgen väitter/vnd vermeyst wie sye haben nit mügen irre/wirstu warlich seer betrogen. Dañ so d väitter meynung ist on geschrift/ists ein schlechter weg / das wir nit seind schuldig die zuhälte. Ist sye dañ ganz wider die schrift/so geschicht ein zusatz dem göttlichen wort.das dañ gott so einig verbotten hatt. Und darum ists färlich/za allzeit schädlich/ sich vff der väitter meynung lenden/so sye entwiders on schrift/o d wider die schrift erfundē werden.

Solichs ist auch offenbar in menschlichen handlungē also . Wann der Römischt keiser/oder sunst ein fürst oder herz seinem diener einen befelch geb/ das er seinen gnadē allein ganz vertrawet/in seinen gebotten wandlete / wartet was ym zustünd / vnd sorget in denen dingen so sein reich antreffend.ists gewiss/ das solichs des herren ernstlicher will vnd meynung ist. Wann aber disser dyener an sollichem willen zweifelte/ in sollichen ernstlichen geboten ander leuit mit rath heym suchte/ was meynstu das disser herr würde thün: oder was gefallen er ab seinem dyener habē würde. Warlich so bald er das ersüre/würd er yn halten für ein lychtuertigen menschen / vnd vnbestensdig/der nit würdig wer seins hoffs.angesehen das er seinem befelch vn eygnen wortē nit glaubte . Was achtestu aber gott vnsern herren vnd vatter thün / so wir zweiflen an seinem lebendigen willen vnd wort/vns zu nutz durch sein propheten gelassen/vnd so wir solichs verlassent/ alslein vnnfers herzen abgötter oder güter meynungen ans

Was mag
dann die
kirch wiß
dz worte
Dent. xij.

Gleichnis

Gege glei
chniß.

Von anrüssung

hengig/dz doch ganz wider seinen göttlichen willen ist:
D wie ein grosse misshandlung iſts/so ein schnöde creatur irem schöpffer widerstrebt/sein testament vnd einigen willen verschmächt. Gott hat vns sein wort die heylig schrift befolhen/welcher wir nichts zu / noch von thün sollen/wie er dañ vns hat gebotten. Aber was thün wir: Verlassen vnnnd verschmähen sein gebott / volgent nach menschlicher vffsatzung vñ erfindig / welchs nit anders seind/dañ allein züſätz zum wort gottes . Du zeüchst an lange gebreich/vnd sprichst Hieronymus/ Augustinus/ vnd andere mit Gregorio habent gross gehalten von an rüssung der heilgen/warumb wolte wirs nit auch hälte/ vnd also von irem glaubē abtrinnig werden: Ich beteins alles/das auch Gregorius der gross / hab erſtlich vffgesetzt die grossen creützeng/darin man die heilge anrüssheit er darumb recht thon: müssen wirs darumb vſtenlich für ein artickel des glaubens halten : Du weifſ das für war/das kein anſehung oder vnderscheid der personē bey gott iſt,vnd darumb müſſ man nit von personen der menschen / oder von heiligkeit nemen ein regel der warheit/sunder von heiliger schrift / die alle heiligkeit vnd ir vffsatzung bewerben iſt.

Und was iſts wunder/das vnser väter vnnnd vorfaren so lang vor vns geirrt haben : dweil sye nit seind gewandelt den weg gottes/oder sich vff seine wort gesteuert. Wie lang zeit hand die kriechischen/ vnd all andere heyden geirrt vor Christi vnsers seligmachers gebürt: Sye möchtē auch also sprechen/wie du. Unser väter vnd elter haben gedyent der göttin Minerue/vnnnd Diane / vnd andern/ wir wölle auch in ſollichem glauben bleiben/wöllen sye auch an betten wie vnser elter gethon/wir wöllen nicht o Paule deine newe träum oder leren an nemen, Es iſt kein

der Heilgen.

zweifel / das dergleich etlich gottis schmäher erfunden/
die den heilge zwölffbotte gottes auch also widersproch-
en haben. Aber das wort was stercker (welches da ist gott
vnd sein lebendiger geist) daß die creatur Nun heut zütag
hören wir kein neuwen glauben/ auch bringt man nichts
news herfür. Wie wol vil früher also/mit dem menschē
gottes geschuldigt. Diser glaub würt gepredigt/ der den
Aposteln vnd allen predicanen von gott gebotten / der
ganzen welt züuerkünden. welcher dieweil er lange zeit
vertunkelt vnd vertilgt ist gewest vom Bapst/vnd seinem/
weybischen leib/pfaffen/vnd münchen/vnd aber yetzunt
wid herfür ans helle liecht bricht/ so widerstrebē/schryen
vnd tobent wider yn die selbigen grossen abgöttropferer.
dweil sye mercken / das ir buch vnd glatte hut in gefähr-
lichkeit stat/ welche sye so zärtlich mit iren fündlingen ges-
möß haben. Vnder welchen seind des ablas / vnd walls-
farten kauffmanschafft so auf diser anrüffung entsprin-
gent. Die heylgen väitter wöllen nit dz wir irem yrthum
darumb sye nit gewist/nachholgen. Sunder aber wöllen
das wir das wort gottes vor augen haben vnd allein hal-
ten. darzu vns gott allein wöll helfen.

M.Luth.

Nun volgen hernach etlich ander argument

oder gegenwürff/der heyligen anrüffung

bewerend. mit irer niderlegung.

Wizhär hab ich deine argument o Satler alle zerbroch-
en/wil aber noch weiter in deiner person argument vnd
bewerunge anzeigen/ so anrüffung der heilge berürend.
Vnd zum ersten/sanct Peter in der andern epistel am erste
capitel sagt also. Ich wil fleiß ankeren / vff das ihs stetig Arg.v.
gleich habt nach meinem tod / vnd diser aller gedechtnuß
habent. Os disem teyt hond etlich deiner pfaffen die an-
rüffung der heilger wöllen beweren, So doch Petrus als Antwort
i üß



Von anrüssung

lein will/wie dañ die vorgeenden wort disen text aufwüs
send/das er red von vnderrichtung/vnnd Christenlicher
leer/die sye nach seine tod in gedechtnuß behalte würden.

Arg. ii.

Antwurt.

Üm annderen spricht gott durch den propheten Hier
remiam am. xv. Wan Moses vnd Samuel vor mir wür
dent ston/ so stat mein seel nit zu disem volck . Auf disem
volgt nit anrüssung der heilgen. Gott meynt so vil.wann
heut zu tag Moses vnd Samuel lebten/vnd bâten.oder
wan so frum leuit waren wie Moses vnd Samuel für d
volck bittend/würd ich sye nit erhören.Sunst gilts eben
als vil als ob einer spräch. wan ein Esel würt flyegen so
würt er federen haben. darauf nit volgt/ das er als bald
flyeg/oder federn hab. Also auch wen Hieremias spricht
wenn da werden ston ic. volgt nit auf dem dz sye yetzunt
vnd andere heilgen steen.

Arg. iii.

Antwurt.

Üm dritten zyehen etlich harfür den. cl. psalmen. Lobé
den herren in seinen heylgen/ als da öffentlich der heylge
anrüssung bewert sey . Der verstandt aber vnd meynung
des propheten Davids ist weit anders. Dañ nach vßtruct
des hebreischē büchstabens/ist das der syn dieses spruchs
als spräch David. Loben den herren in seiner heyligkeit/
in der macht vnd stercke ic. also das gott gelobt soll wer
gest ist. Und obschon (das der büchstab/noch syn nit für
gibt) gelesen würd/Loben den herre in seine heylige. mag

Arg. iiii.

Ps. cxxxj.

Antwurt.

Noch eins wil ich anzeigen. wan man singt/es sey gleich
Salomon/oder ein yeglich Christenlich mensch. O herz
gedenck Davids/vn aller seiner sänftmütigkeit. Auf sol
lichem volgt aber nit anrüssung d heilgen. Dañ d psalm
spricht nit/ach David kum mir zu hilff/oder bitt gott für
mich.sunder / o herz gedenck Davids vnd seiner demüt



der Heilgen.

oder sensimutigkeit. Nun wissen wir wol/dz gott David
verheissen hat/wie sein thron solt ewig sein/vn wie auch
von seinem somen solt kummen aller welt trost vn seligkeit/
Christus Ihesus der seligmacher. wie dan gott in yetz
angezeugtem psalmen spricht. Von d frucht deines lybs/
wurd ich yn setzen vff deinen stul. Darumb so ist das die
meynung disz verss. Ach gott gedenc doch was du Das
uid zugesagt hast/wie du ym Messiam verheisse/gedenc
wie er dir geglaubt/in dich vertrawt/ das du ym verdest
halten das so du ym verheissen/vnd schick bald den heys
land. Dan wie Matth. schreibt in sein anfang / ist Christus
auch ein sun Davids. Wil also anzeigen den hitzigen
ynbrunstige geist des propheten/in dem er alheit im glau
ben vnd in der liebe gewandlet/vn so ernstlich begert hat
den heyland zu kummen. Vff solich meynung moegen wir
auch also bitten. Ach almechtiger gott/ gedenc wie Das
uid mit allen lieben propheten vnd märterern vor dir ges
wandelt in aller demüt/gedult/sensimutigkeit vn tugen
den/in erwartig künftiger erlösung. ich bit dich wöllest
mir auch verleyhen dein gnad vnd barmherzigkeit/dz ich
auch wie deine lieben heilge/im glaubē moige wandlen/
in erwartung künftiges lebens. Solchs ist recht gebett.
Vnd wir sehen auch/das diser psalm mit keinem wort an
ruffung der heilgen leren ist.

Also zum letzten/erkesten ir Barfüsser munch/vnd du
Baltassar/wie freuel ir wiß Christū/vn sein Euangely ge
handelt haben. Ich bit euch/wöllent widerum ferien vn
zu euch selbst kummen/vff hören zu widersprechen d war
heit gottes. Wen ir aber dz nit wölt/ so hörent nit mich/
sonder Salomon prouer.am. xxiv. Einem man der den
verschmächt so yn straffe/ würt schnelle verderbniss zu
hande kummen/vn gesundheit würt jm nit nachfolgen.

Oratio

Das wort
Gottes
bleibt ewig-
klich.






UNIVERSITÄTS-
BIBLIOTHEK
PADERBORN



UNIVERSITÄTS-
BIBLIOTHEK
PADERBORN





UNIVERSITÄTS-
BIBLIOTHEK
PADERBORN

